




Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

This work is licensed under a Creative Commons Attribution-NonComercial
3.0 Unported (CC BY-NC 3.0) license.

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

ԿՈՄՅԵՐԻՏԱԿԱՆ ԳՐԱԴԱՐԱՆ
ՊԻՆՅԵՐԱԿԱՆ ԱԵՐԻՎ

ԱՆԴՐԵՅ ՌԻՍՊԵՆՍԿԻ

ՎԱՂԱԺԱՄ ՄԵՌԱԿԱՆ
ՀԱՐԱԲԵՐՈՒԹՅՈՒՆՆԵՐԻ
===== Վ Ն Ա Ս Լ =====

(Հանրամասչելի ժարադրություն)

Թարգմ. ԳԱՐ. ՀԱԿՈՅՑՅԱՆ

ԵՏԱԿԱՆ ՀՐԱՏԱՐԱԿՉՈՒԹՅՈՒՆ

ՅԵՐԵՎԱՆ - 1927

100

ԿՈՄՅԵՐԻ ԳՐԱԴԱՐԱՆ

ԱՆԴՐԵՅ ՈՒՍՊԵՆՍԿԻ

613.88




ՎԱՂԱՔԱՄ ՄԵՌԱԿԱՆ
ՀԱՐԱԲԵՐՈՒԹՅՈՒՆՆԵՐԻ ՎՆԱՍ

(հանրականացելի շարադրություն)

A 4160

Թարգմ. ԳԱՐ. ՀԱԿՈՅԵՎԱՆ

X



ՊԵՏԱԿԱՆ ՀՐԱՏԱՐԱԿՉՈՒԹՅՈՒՆ

ԵՐԵՎԱՆ 1927

Դրառեպվար № 64ր. **Հ. 504.** **Տիրաժ 2000.**

Պետհրատի յելկըորդ տպարան Յեղևանսում—199.

ՆԵՐԱԾՈՒԹՅՈՒՆ

Թե բուսական և թե կենդանական թագավորության բոլոր կենդանի որգանիզմներին հասուկ ե բազմանալու ընդունակությունը։ Բազմանալը — «մի կյանք ե այդ, առանձին որգանիզմից գուրս»։ Մեռնում են առանձին բույսեր կամ կենդանիներ, բայց իրենց գոյության ժամանակ նրանք կարողանում են ծնել կյանքի համար նոր, իրենց նման արարածներ ու, այդպի ով, վողջ տեսակի կյանքն ամբողջովին չի դադարում։

Ամենապարզ, այսպես ասած «միաբջիջ» կենդանիները պարզ բաժանումով են բազմանում։ Որինակ, վորևե վարակիչ հիվանդություն առաջացնող փոքրիկ եյակ «ամյոբան» կամ «բացիլ» սկսում ե յերկու մասի բաժանվել և վերջի վերջո յերկու նոր եյակների, յերկու «ձագի» յե բաժանվում։ Այս ձագերն աստիճանաբար մեծանում են, ծծելով իրենց շրջապատի սննդարար հյութերը, և, յերբ նրանք մեծանան, հասունանան ու վորոշ չափի հասնեն, նրանցից ա-

մեն մեկն իր հերթին նույնպես յերկու մասի կրաժանվի։ Բազմանալու այս ձևն ամենապարզ ձևն ե։ Ամյոբան ու քացիլը սեռ չունին, նրանք «տղամարդկանց» և «կանանց» չեն բաժանվում. նրանցից ամեն մեկն ընդունակ ե «ճագերի» բաժանվելու։

Միաբջիջ մի բանի այլ պարզ կենդանիներ փոքր ինչ տարբեր ձևով են բազմանում. որինակ, նրանք՝ ամրոբայի պես մեջտեղից չեն կիսվում, այլ բաժանվում են յերկու այնպիսի մասերի, վորոնցից յերկրորդ մասնիկը մոր մարմնից կպած՝ խուլի (պալար) պես մի բան ե։ Նա՝ նստած ե մոր մարմնի վրա, — քանի. դեռ վայր չի ընկեր, — այնպես, ինչպես կոկոնը (բողբոջ) ծառի ճյուղի վրա։ Ուստի բազմանալու այս ձեր կոչվում ե «բողբոջում»։ Կան ուրիշ շատ պարզ եյակներ, վորոնք առանձին փոքրիկ մասնիկներ— «սպորներ» տալով են բազմանում։

Մինչև հիմա մենք խոսեցինք անսեռ բազմացման մասին. ամեն մի բջիջ, առանց մյուսի մասնակցության, վորոշ աստիճանի զարգացման հասնելով, կարող եր կյանք տալ մեկ կամ մի քանի եյակների։ Բայց այս որինակ բազմացումը միայն որգանիզմի պարզ կազմվածք ունեցող, ամենապարզ եյակների հետ ե պատահում։ Այն կենդանիները, վորոնք կյանքի զարգացման աս-

տիճանի վըա համեմատաբար բարձր են կանգնած, վորոնց որդանիզմը շատ բարդ ե կառուցված, նրանք «սեռական ճանապարհով» են բազմանում։ Վորպեսզի աշխարհ բերեն իրենց նմանը, տվյալ դեպքում արդեն տարբեր սեռի յերկու եյակի մասնակցությունն ե անհրաժեշտ, վորոնցից մեկն «արուն» ե, մյուսը՝ «եղբ»։

Առհասարակ, զուտ անսեռ բազմացում բնության մեջ բավականին հազվադեպ ե պատահում։ Նույնիսկ ստորին կենդանիների մեջ, ամենից հաճախ՝ այն նկատվում ե սեռական զուգավորումից, ըստ վորում, տեղի չե ունենում սերունդների հաջորդականություն և բազմացման ձևերի փոփոխություն։ Որինակ, ծովում գոյություն ունի մի փոքրիկ կենդանի, վորը «հիդրա» յե կոչվում։ Սկզբում հիդրան անսեռ ճանապարհով, այսինքն՝ բողբոջումով ե բազմանում. սակայն, այն բողբոջոները, վորոնք մորից պոկվում և ազատ լողում են ջրի մեջ, արական ու իգական սեռական բջիջներ ունին։ Այս բջիջների զուգավորումից (այս արդեն սեռական բազմացում ե) ստացվում ե թրթուռ, վոր հետագայում զարգանալով՝ հիդրա յե դառնում։ Այս հիդրան ել, հասունանալով, դարձյալ բողբոջումով ե բազմանում, այսինքն՝ անսեռ ճանապարհով, և այսպես՝ շրջունակ։ Ինչպես տեսնում ենք, այստեղ անսեռ

և սեռական բազմացումն հաջորդում են իրար:

Սակայն, բոլոր կենդանիները, վորոնք իրենց զարգացման բարձր կետին են հասնում, — մասնավորապես, իհարկե, սարդը, միայն սեռական ճանապարհով են բազմանում։ Կենդանիներն «արուների» և «եղերի» («տղամարդկանց» և «կանանց») են բաժանվում, վորոնք միմյանցից զանազանվում են վոչ միայն մարմնի և հատկապես սեռական գործարանների կառուցվածքով, այլև նույնիսկ հոգեկան կառուցվածքով։ Առուի գործն ե - բեղմնավորել եղին, իսկ եղինը - զավակ հասցնել, ծնել և կերակրել նրան։

Ակզեռում մենք խոսեցինք այն կենդանիների մասին, վորոնք ընդամենը մեկ բջիջից են բաղկացած, սակայն, բուսական և կենդանական թագավորության աստիճանով բարձրանալուն զուգընթաց՝ որգանիզմներն ավելի ու ավելի լին բարդանում։ Բոլոր բարձր որգանիզմներն անթիվ ու անհամար բջիջներից են բաղկացած։ Այդ բջիջները կենդանի նյութի ամենափոքրիկ մասնիկներն են հանդիսանում. դրանք, կարծեք, ալյուսներ լինին, վորոնցից կառուցվում ե մարմինը։

Բջիջները լինում են զանազան ձեի ու զանազան կազմության, նայած թե նրանք ինչ դեր են խաղում որգանիզմի մեջ։ Հատուկ գեղձա-

յին» բջիջները մտանակցում են որդանիզմի համար անհրաժեշտ հյութեր, «րինակ» մարսողության հյութ, թուք, լեղի պատրաստելուն, վուկը բջիջներն որդանիզմին ծառայում են իրեն հենարան և ամրություն են տալիս. Նյարդային բջիջները—գրգիռ են ընդունում ու հաղորդում. սակայն ինչպես տեսնում ենք, բոլոր այս բջիջներն որդանիզմի կենսական պրոցեսներին են ծառայում. Սրանք—«բուսական» բջիջներ են, վորոնց գործունելության շնորհիվ զարգանում ու ապրում ե որդանիզմը. Նման բջիջները բազմաթիվ են. Սակայն գոյություն ունի բջիջների մի ուրիշ, սակավաթիվ խմբակ—սեռական բջիջներ, վորոնց նպատակը վոչ թե տվյալ՝ որդանիզմի կյանքը պաշտպանելն է, այլ ուրիշը—իր նմանն ստեղծելն է, այսինքն՝ տեսակի բազմացումը: Սեռական ճանապարհով զարգացող որդանիզմն ինչ կազմություն ել ունենա, միշտ նման բջիջներով հատուկ գործարան ունի, վորոնց դերը տեսակի գոյությունը շարունակելն է:

Սեռական բջիջները յերկու տեսակի յեն լինում արական («սպերմատզոտիդներ», «սերմնիկներ») և իգական (ձվիկներ): Արական և իգական բջիջների միացումն (կամ ինչպես ասում են «իգական բջիջի բեղմնավորումը») սկիզբն ե դնում սաղմի զարգացման, վորից հետագայում

նոր ու կատարյալ որդանիզմ ե գոյանում։ Այսպիսով՝ յերբ որդանիզմը վորոշ շրջան ե անցնում, վորը նրա կյանքն ե կոչվում ու նրա մահով վերջանում, դրանից հետո սեռական բջիջները շարունակում են իրենց ծնողների կյանքը։ Որդանիզմը պահում ե իր գոյությունն իր սեռունդների մեջ։

Բեղմնավորումը տեղի ցե ունենում արուի և եկի սեռական գործարանների զուգավորումով։ Սրան՝ «սեռական ակտ» կամ «զուգավորում» են ասում։ Այդ ժամանակ տղամարդուց հոսող սերմը, վոր իր մեջ սպերմատոզօֆիդներ ե պարունակում, ընկնում ե կնոջ սեռական ապալարատի մեջ ու բեղմավորում այնտեղ հասունացող ձվիկները։ Սաղմը մոր մարմնի մեջ, արդանդում զարգանում ե և վորոշ աստիճանի զարգացման հասնելուն պես ծննդաբերության միջոցով դուրս ե մղվում։

Ամեն սի կենդանի եյակի մեջ ցեղը շարունակելու բնագդ կա։ Ինչպես մենք հենց այժմ տեսանք, ամենաբարձր տիպարի կենդանիների մեջ, բազմացումը միայն սեռական մերձեցման միջոցով կարող ե տեղի ունենալ, այսինքն, դրա համար հարկավոր ե ուրիշ սեռի եյակի մասնակցությունը։ Դեպի սեռական զործունեյությունը մղողը – «սեռական զգացողությունն» ե

վոր առանձին հակումով եւ արտահայտվում դեպի մյուս սեռի եյակը։ Սկզբում շատ մութ ու անորոշ այդ հակումը, հասակին զուգընթաց, սեռական ակտի ձգտում եւ դառնում։

Սեռական ակտն ինքն ըստինքյան բազմանալու ձև ե։ Արտադրություն իրեն նման ելակների-այս եւ սեռական մերձեցման միակ իմաստը։ Բայց մարդիկ շատ և շատ հաճախ ձգտում են սեռական ակտին՝ միմիայն նրա հետ կապ ունեցող հաճելի զգացողությունների համար։ Յերեխա արտադրլեռ ձգտումը յերկրորդական տեղ ե բռնում, կամ դեռ ավելին՝ յերեխա ծնրելու դեմ միջոցներ են ձեռք առնվում։ Սեռական ակտը կորցնում ե այն իմաստը, վորը բնությունն ե նրան թելադրելու միմիայն բավականության միջոց ե դառնում։ Սեռական ակտի դերի այս փոխանակության պատճառները շատ խորն են և մենք նրանց թեթևակի կշռափենք շարունակության մեջ։ Բայց այս դեռ քիչ ե—ձգտելով սեռական ակտին, իբրև բավականության միջոցի, յերկու սեռի յերիտասարդությունը սեռական հարաբերություններն հաճախ սկսում են շատ վաղ, յերբ որդանիզմը դեռ հասունացած չի, յերբ սեռական կյանքի հետ կապ ունեցող նյարդային համակարգության ցնցումները նրան ուժասպառ են անում ու քայլայում։ Մեր գլխավոր նպա-

տակն այն ե, վոր ցույց տանք, թե վորքան մսասակար են վաղաժամ սեռական հարաբերությունները, ապացուցել, վոր վորոշ հասակում այդ հարաբերությունների մեջ ժուժկալությունը վոչ միայն մսասակար չե, — ինչպես, ցավոք սրտի, վոմանք կարծում են, — այլ ընդհակառակը, որգանիզմի համար միանգամայն ցանկալի յե և ոգտակար:

Գլուխ I

Սեռական հասունություն

Մենք տեսանք, վոր միաբջիջ, պարզ, փոքրիկ եյակն անգամ սկսում ե բազմանալ միայն այն ժամանակ, յերբ նա զորանում ե ու վորոշ աստիճանի զարգացման հասնում: Նույնը կարելի յե ասել և մարդկանց վերաբերմար: Բազմանալու հնարավորությունը յերեան ե զալիս վորոշ հասակում, մանկական բավականին յերկարասե շրջանից հետո, նրանից հետո, յերբ մարդն այն շրջանն ե ապրում, վորը «սեռական հասունացման» շրջան ե կոչվում, ու սեռական հասունացման ե հասնում: Վորպեսզի հետագա բոլոր բացադրությունները մեզ համար պարզ լինին, մենք պետք ե մանրաժաման կանգ առնենք «սեռական» հասունության եյության բացարության վրա:

Տղամարդու սեռական հասունացումը տեղի
յե ունենում այն ժամանակ, յերբ նրա սեռա-
կան գեղձերը (այսպիս ասած՝ «ձվիկները»),
ձեռք են բերում հասունացած, կանացի ձվիկ-
ներ բեղմնավորելու ընդունակ սեռական բջիջ-
ներ, այսինքն՝ սպերմատոզուտներ։ Մանկական
հասակում սեռական գեղձերն այս ընդունակու-
թյունը չեն ունենում։

Նույնը կարելի յե ասել նաև կանաց վե-
րաբերմամբ։ Կնոջ սեռական հասունությունը
բնորոշվում ե նրա սեռական գեղձերի («ձվա-
րանների») այնպիսի դրությամբ, յերբ նրանք
ընդունակ են դառնում սեռական բջիջներ, այս-
ինքն՝ ձվիկներ արտադրելու, վորոնք տղամար-
դու սերմով բեղմնավորվել կարողանան։

Սակայն սեռական հասունությունը չի սահ-
մանափակվում այն փոփոխություններով վորոնք
տեղի յեն ունենում տղայի կամ աղջկա սեռա-
կան որգաններում, այսինքն՝ մեր մարմնի այն
մասում, վորը բազմացման գործն ե վարում։ Այդ
իսկ ժամանակ՝ «իսկական տղամարդ» կամ «իս-
կական կին» դառնալու շեմքին վոտք դնող պա-
տանիների որգանիզմների մեջ տեղի յեն ունե-
նում մի շարք խորը փոփոխություններ։ Վրա յե
համար կյանքի նոր շրջան, արբունքի շրջանը,
և այս շրջանում տարբերությունը սեռերի մի-

ջև ավելի սուր ե դառնում, բայ մանկության շրջանում:

Պատանու հնչեղ ու մանկական ձայնը՝ առնական ավելի կոշտ, ցած ու խուլ ձայնի յեփոխվում։ Զայնի լարերը յերկարաբռմ են, շընչափողը բոլոր չափերով մեծանում է, ամբողջ վիզը հաստանում է։ Վողջ որգանիզմը, կարծեք, ինչ վոր ներքին մղումով սկսում է ուժեղ կերպով զարգանալ. սրտի ծավալն արագ ու զգալիուրեն, գրեթե կը կնակի, մեծանում է, վորի հետեւանքով ուժեղանում է որգանիզմի սննդատուգործունեյությունը։ Մատաղ որգանիզմն ամրանում է. ուժեղ կերպով զարգանում են շարժիչ ապարատները, մանավանդ վերջավորությունները։

Սեռական գործարաններն այդ ժամանակ նույնպես ուժեղ կերպով զարգանում են։ Սեռական գեղձի ուժեղանալուն զուգընթաց՝ ուժեղանում են մաշկի գեղձերի գործունեյությունն ու մազերի աճումը։ Մազեր են յերևում սեռական գործարանների ու վերին շրթունքի վրա և պատանիները բեխերի դուրս գալը միանգամայն իրավացիորեն են նկատում իբրև նշան վերահասառնական հասունության։ Սեռական գործարանների զարգանալուն զսւգընթաց, տեղի յե ունենում սեռական գրգիռ, առաջ ե գալիս կանգնումն (երեկցիա, ալսինքն՝ սեռական մարմինն

արյունով լցվում ե): Սովորաբար գիշերն անկողնի մեջ, մանավանդ լուսադեմին, պատահում են յերկարատև կանգնումներ, վորոնցից մի առժամանակ հետո գիշերային յերազախաբություններ (պոլյուցիաներ) են տեղի ունենում (այսինքն՝ ակամա սերմնահոսություն), վորոնք սովորաբար տեղի լեն ունենում քնի ժամանակ: Հետագայում այս սերմնահոսություններն սկսում են ընթացակցվել հեշտասիրական յերազներով, ըստ վորում սովորաբար կնոջ հետ սեռական մերձեցում ե տեսնվում:

Աղջիկների սեռական հասունությունը յերկու տարով առաջ ե տեղի ունենում, քան տղաներինը (սեռական հասունության տեղի ունենալու ժամանակի և սեռական զգացողության առաջ գալու ժամկետների մասին կխոսվի ստորև): Աղջկա հասունությունը տեղի ունենալը՝ արտաքինից նրա դեմքի փոփոխություններով ե յերեվում. յերեխան սկսում ե աղջիկ դառնալ և այդ ժամանակ, ինչպես ասում են, աղջիկը «զարգանում» ե: Մաշկի տակ (մանավանդ ուսերի և ազդերի վրա) ճարպնավելանում ե, ուստի մարմինն ավելի կլոր ու հավասար գծագրություններ ե ստանում. առաջվա անդուր աղջիկն ավելի գեղեցիկ ու գրավիչ ե դառնում: Աղջիկների ստինքները, վորոնք տղամարդու ստինքներից գրեթե

վոչնչով չեն տարբերվում, ծավալով մեծանում են։ Յերեսը՝ մանկական դեմքի փոխարեն՝ կանացիական արտահայտություն ե ստանում, սեռական անդամի վրա մաղեր են յերևում և ձայնն ավելի հնչեղ ե դառնում։ Շատ մեծ փոփոխություններ ե կրում իրանի ստորին մասը, այսպես ասած՝ «կոնքը»։ Լայնքից նրա ծավալը մեծանում ե, յետեկի պատը (գավակը) դեպի յետ ե թեքվում, և ազդերն ավելի յեն կլորանում։ Սեռական հասունացման մոտերքը կոնքի բնական այս փոփոխությունը շատ նպատակահարմար է, վորովհետեւ, բեղմնավորության մոմենտից սկսած, փորի հենց այդ մասում ել տեղի յեռնենում «պտղի» աճումն ու զարգացումը, հետեապես, այնտեղ բավականին տեղ, ինչպես և համապատասխան պայմաններ են պետք, վորպեսզի «պտուղը» զարգանա և աշխարհ գա, 10—12 տարեկան հասակից արդեն աղջկա կոնքը լայնքից աճում ե և սեռական հասունության մոտերքին անհրաժեշտ ծավալ ե ստանում։ Կնոջ իրանի այս իսկ առանձին ձևն ազդում ե նրա քայլվածքի վրա, վորով կինը սովորաբար տարբերվում ե տղամարդուց։

Այս շրջանում մեծ փոփոխության ե յենթարկվում նաև կնոջ շնչառության ձեր. տղամարդկանց ու յերեխաների մեջ շնչառության

Ժամանակ գլխավորապես վորովայնային մկան-ներն են աշխատում («շնչառության վորովայնային ձև»), իսկ կանանց մեջ, սեռական հասունության ժամանակից սկսած, առաջ ե գալիս «շնչառության կրծքի ձև», այսինքն՝ նրանք սկսում են ավելի շատ կրծքով շնչել։ Այս յերեւութիւնի ավելի կարեռը նշանակությունը հղիության ժամանակ ե յերեան գալիս. յեթե կնոջ մեջ իշխողը լիներ վորովայնային շնչառությունը, ապա այդ ըրջանում, շնորհիվ արգանդի հըսկայական չափով մեծանալուն ու փորի մեջ զգացվող ծանրության, շնչառությունը չափազանց կդժվարանար։ Այսպիսով սեռական հասունության ժամանակ աղջկա որգանիզմում տեղի ունեցող փոփոխությունները, մեծ մասամբ ուղղված են լինում դեպի այն, վորպեսզի թեթևացնեն կնոջ այն դժվարությունները, վոր նա ստիպված և լինում հաղթահարել բնության տվածը կատարելու—նոր եյակ աշխարհի բերելու ժամանակ։

Իսկ ի՞նչ ե տեղի ունենում որգանիզմի մեջ սեռական հասունացման ըրջանում և ի՞նչից են առաջ գալիս նրա մեջ այդքան խոր ու լուրջ փոփոխությունները։

Սրա պատասխանը՝ ներգատուցքի (ներքին սեկրետիստի) գեղձերի վերաբերյալ դիտությունն

ե տալիս Մարդու և, առհասարակ, կենդանական որդանիզմի մեջ մի շարք գեղձեր կան, վորոնց նշանակությունը շատ յերկար ժամանակ պարզ չեր: Այս ուղղությամբ կատարած յերկարատե աշխատանքներից հետո պարզվել ե, վորակ գեղձերը, ինչպես և մի քանի այլ գործարաններ, այսպիս ասած, «ներզատուցքների» ընդունակություններ ունեն, այսինքն՝ նրանք արյան մեջ այնպիսի նյութեր են արտաթորում, վորոնք հսկայական նշանակություն ունին ամբողջ որդանիզմի համար՝ միասին վերցրած: Այս նյութերը կոչվում են «հորմոններ»: Այս հարցի հետագա ուսումնասիրությունը ցույց է տվել, վոր կյանքի տարբեր շրջաններում տարբեր գեղձերն որդանիզմի վրա յուրահատուկ ձևով են ազդում: Մեր մարմինի կյանքում ըստ ժամանակի առաջին գերը խաղում են փուչիկի գեղձերն ու ուղեղի հարուկը, բայց մարդիկ սեռական հասունացման շրջանին վորքան ավելի յեն մոռենում, այդ գեղձերի նշանակությունն այնքան ավելի չե փոքրանում ու այնքան ավելի յեն գեր ունենում մյուս գեղձերը՝ վահանաձևն ու սեռականը:

Բացատրենք ներզատուցքի գեղձերի նշանակությունը մի քանի որինակներով: Ուղեղի հարուկը — փոքրիկ (~~սիսիսի շափ~~) մի գեղձ ե,

ընկած ուղեղի հիմքի մոտ Այս գեղձը կազ ունի
մարմնի զարգացման հետ Յեթե մանկական հա-
սակում գեղձն ինչ ինչ, սպառճառով սկսի ուժեղ
կերպով աշխատել, բարձրացրած քանակությամբ
արտադրելով իր հորմոնները, յերեխայի վոսկը
կմախքը կսկսի արագորեն զարդանալ, ու մարդը
կարող է հսկա դառնալ։ Իսկ յեթե ուղեղի հարուկի
կործունելությունն ուժեղանա վոչ թե մանկա-
կան հասակում, այլ հասակավորի մեջ, այդ դեպ-
քում մեծացումը վոչ թե ամրող կմախքին
կվերաբերի, այլ նրա մի քանի մասերին։ Ճեռ-
քի դաստակները վոտքերի թաթերն ու այտ-
ուկրները, մանավանդ վերին և ներքին ծնու-
ները կսկսեն յերկարանալ։ Յեթե, ընդհակառա-
կը, ուղեղի հարուկը հանվի, կմախքը կդադարի
աճելուց, և մարդը թզուկ կդառնա։ Այս դեպքում
վոսկը լրիվ չեն աճի, կծովեն և հեշտու-
թյամբ կկոտրվեն։

Ծնչափողի առջե ընկած վահանածի գեղձը
հորմններ ե արտադրում, վորոնց՝ ուժեղ կերպով
գոյանալը նյարդային համակարգության քայ-
քայում («Բազեգլան հիվանդություն») ե տոաջ
բերում։ Այս գեղձի արտադրությունը քշանալու
հետեանքն այն ե լինում, վոր ծանր հիվանդու-
թյուններ՝ տպշություն (идиотизմ), լորձահոսու-
թյուն (միկսեդմա) են առաջ գալիս։ Նույն

Ե ստացվում նաև այդ գեղձը հանելուց։ Իսկ նըր-
ըա մոտ գտնվող «մերձվահանաձև գեղձը» հանելը
ամբողջ որդանիզմի քայլալում ե առաջ բերում,
իսկ այնուհետև՝ նաև մահ։

ՄԵՆՔ տեսնում ենք, վոր մեր մարմնի զա-
նազան տեղերում գտնվող փոքրիկ գեղձիկների
գործունեյությունը հսկայական նշանակություն
ունի ամբողջ որդանիզմի համար՝ միասին վերց-
րած։

Այժմ մեզ պարզ կլինի, թե ամբողջ որդա-
նիզմում սեռական գեղձերի ուժեղացըրած գոր-
ծունեյության սկիզբն ինչու յե խորը փոփոխու-
թյուններով ընթացակցվում։ Բանից դուրս ե
գալիս, վոր տղամարդու սեռական գեղձերը —
ձվիկներն ու կնոջ—ձվարանները միայն սպեր-
մատոզոիտներ ու ձվեր չե վոր պատրաստում
են, վորոնց միացումից սկիզբ ե դրվում մի նոր
երակի կյանքի։

ԹԵ ձվիկները և թե ձվարանները նույնպես
ներզատուցքի գեղձեր են և ամբողջ մարմնի կյան-
քի համար հսկայական նշանակություն ունեցող
հորմոններ են արտաթորում արյան մեջ։ Հենց
այս հարմոնների առաջ գալով ել բացատրվում
ե սեռական հասունացման շրջանում սեռական
յերկրորդ նշանի յերեան գալը։ Այս բանը նրա-
նով ե ապացուցվում. վոր որինակ, յեթե տղա-

մարդու սեռական գեղձերը հանվեն («ներքինացվի»), նրա սեռական յերկրորդ նշաններն աստիճանաբար կչքանան. բեխ ու մորուքը կդադարեն աճելուց ու նույնիսկ կթափվեն, ձայնը՝ կնոջ ձայնի պես սուր ու բարձր կդառնա և մարմնի վրա ուժեղ ճարպակալում կնկատվի: Կնկատվեն թուլություն, նախաձեռնության ու յեռանդի նվազում և, ընդհակառակն, աշխատունակության ավելացում: Յեթե կնոջը ներքինացնեն, այսինքն՝ նրա ձվարանները հանեն, կնկատվի կանաց սեռական յերկրորդ նշանների աստիճանաբար թուլացում. ստինքները կփոքրանան, ձայնը կկոշտանա և ուժեղ կերպով կզարդանա մկանային համակարգությունը:

Արդ, սեռական հասունացումը տեղի ունենալու ժամանակ միանգամայն փոխվում ե պատանու թե ֆիզիկական և թե հոգեկան տիպարը: Յերեխան աստիճանաբար մեծանում, իր ցեղը շարունակելու ընդունակ մի ելակ ե դառնում: Իսկ յԵրբ ե տեղի ունենում որդանիզմի այդ հասունացումը:

Յեթե մենք նայելու լինենք անասուններին, կտեսնենք, վոր նրանց սեռական հասունությունը շատ վաղ ե աեղի ունենում: Հենց նոր ծնված անասունը բիչ բանով ե տարբերվում մեծից: Զվի միջից նոր դուրս յեկած ձագն արդեն վազ-

վրդում, կտցում, վտանգից պատսպարփում եռ ու
շատ կարճ ժամանակում մեծ հավի զարգացման
եռ հասնում։ Կատվի ձագը կարճ ժամանակից հե-
տո սովորում եռ կատվի բոլոր ճարպիկություն-
ները։ Բայց մարդու յերեխան ծնվում եռ զուրկ
այն ամենից, ինչ վոր մարդ մեծ հասակում եռ
ունենում, և այս բանը նրան տարբերում եռ
ստորին անասուններից։ Բոլոր հասկացողություն-
ները նա յուրացնում եռ շատ դանդաղ, մի շաբք
տարիների ընթացքում, մանկությունից արբուն-
քին անցնելու շրջանում։ Բայց դրա փոխարեն,
տարեց տարի, նա միշտ ավելի ու ավելի յե
հայտնաբերում իր առավելությունը կյանքի զա-
նազան շրջաններում մինչև վոր այն տարածու-
թյունը, վորը բաժանում եռ նրան անասունից,
այնքան եռ մեծանում, վոր կարծեք թե մարդու
ամբողջ գոյությունը բնության այլ թագավո-
րության մեջ եռ ընթանում։

Սեռական նորմալ հասունությունն իր հետ
բոլորում եռ մանկական բավականին յերկարատե
շրջանը։ Սովորաբար, աղջկա սեռական հասու-
նությունը տեղի յե ունենում $13 - 15$, իսկ տղա-
ներինը՝ $14 - 16$ տարեկան հասակում, բայց պա-
տահում են նաև սեռական ել ավելի վաղաժամ
զարգացման դեպքեր։ Որգանիզմի կյանքում այս
շրջանի կատարյալ թևակոխումը ճիշտ կերպով

չի կարելի վորոշել, վորովհետև այն կախված ե
մի շարք պայմաններից, որինակ՝ կյանքի պայ-
մաններից, վորոնց մեջ պատանին զարգանում ե:
Ճիշտ ե, առաջին տեղն այստեղ պետք ե ցեղի
ազդեցությունը տալ. ապացուցված ե, վոր հա-
րավային և արևելյալ ցեղերի սեռական հասու-
նությունն ավելի շուտ ե տեղի ունենում, քան
հյուսիսային ցեղերինը: Պակաս նշանակություն
չունին նաև կլիմայական պայմանները: Հնդկաս-
տանում, Արաբիայում և այլ տաք յերկրներում
կարելի յե տեսնել ամուսնացող 9–10 տարե-
կան յերեխաների, վորոնք այդ հասակում ար-
դեն սեռական հասունության են հասել:

Սեռական հասունության ժամանակից սկսած
տղայի սեռական ապարատի մեջ մի քանի նոր
յերեսութներ են նկատվում: Յերեան են գալիս
«կանգնումներ» (երեկցիա) և «յերազախարու-
թյուններ»: «Կանգնում» կոչվում ե այն, վոր սե-
ռական անդամն արյունով լցվում, ուռչում ե,—
այս բանը տղամարդուն անհրաժեշտ ե, վորպես-
զի նա կարողանա իր սեռական անդամը կնոջ
հեշտոցի մեջ անցկացնել, սեռական ակտ կա-
տարել: Յերազախարություն ել կոչվում ե այն,
վոր քնած ժամանակ տեղի յե ունենում սերմ-
նահառսություն: Յերեխաների սեռական գեղ-
ձերը («ձվիկները»), ինչպես մենք ասացինք, ան-

գործունյաց դրության մեջ են զտնվում։ Բայց ժամանակի ընթացքում, տղայի ընդհանուր դարձացմանը զուգընթաց, այդ գեղձերն սկսում են իրենց գործունելությունը յերեան բերել—սերմպատրաստել։ Սկզբում—ուղղակի ջրիկ մի նյութ ե այդ, իսկ այնուհետև նրա մեջ առաջ են գալիս առանձին «սերմնաթելեր» («սերմնիկներ»), վորոնց նաև «սպերմատոզօֆիդներ» են ասում) վորոնց թիվը հետզհետե մեծանում է, այնպես վոր սերմը վերջիվերջո սերի պես թանձրանում, իր մեջ բազմաթիվ այդպիսի սերմնիկներ պարունակող մի նյութ ե դառնում։ Հետազայում, սեռական ակտի ժամանակ, սերմը թափվում է կնոջ սեռական գործարանների մեջ, և այդ սերմնիկներից մեկը բեղմնավորում ե նրա հասունացած ձվիկը։ Իսկ յեթե տղամարդը կամ հասունացող պատանին ժուժկալ են ապրում և կնոջ հետ սեռական հարաբերություններ չեն ունենում, գիշերը «յերազախաբությունների» միջոցով, կարող ե սերմնահոսություն պատահել։

Պետք ե իմանալ, վոր տղաների զուգավորման ընդունակությունը 2—3 տարով առաջ ե տեղի ունենում, քան բեղմնավորելու ընդունակությունը, նրա սեռական անդամն արդեն դառնում ե ձգվելու ընդունակ (առաջ ե գալիս «կանգնում»)։ տղան արդեն կարող ե անդամն

անցկացնել կնոջ սեռական գործարանների մեջ և հեշտասիրական բավականություն ստանալ, բայց տղայի սերմը դեռ բավականաչափ հասունացած չի, վորպեսզի կարողանա բեղմնավորել կնոջ ձվիկը։ Նու «մարդ» (ամուսին) լինել արդեն կարող ե, բայց հայր լինել—դեռ չի կարող։ Ուստի խոսելով սեռական հասունության մասին, չպետք ե կարծել, վոր պատանին սեռական կյանքի համար արդեն միանգամայն հասունացած ե։

Աղջիկների սեռական հասունությունն ավելի շուտ ե տեղի ունենում, քան տղաներինը։ Այն տեղի յե ունենում որգանիզմի դեռ չամրապնդված ժամանակ։ Աղջիկն ընդունակ դառնում սեռական ակտ կատարելու և նույնիսկ բեղմնավորվելու, բայց դեռ չի կարող մայր դառնալ առանց իրեն և իր սերնդին վսաս պատճառելու։ Սակայն, պայմանների բազմազանությանը զուգընթաց, վորոնք մենք շոշափեցինք տղայի սեռական կյանքի մասին խոսելիս, այստեղ ևս բազմաթիվ տատանումներ են պատահում։ Սեռական զարգացման հարցում ցեղն ու կլիմայական պայմանները խոշոր նշանակություն ունին։ Հետագատություններ կատարողներից վոմանք հաղորդում են, վոր տաք յերկրներում կարելի յե տեսնել 8-9 տարեկան ամուսնացած կանաց և

22—23 տարեկան այնպիսիներին, վոր արդեն տատ են դարձել:

Իսկ կնոջ սեռական հասունության եյությունս ի՞նչ եւ Որգանիզմում տեղի ունեցող ընդհանուր փոփոխությունների մասին մենք արդեն խոսեցինք և նրանց պատճառները պարզեցինք. բոլորը կախված եւ կնոջ սեռական գեղձերի ներզատուցքից, այսինքն՝ ձվարաններից: Բայց իսկապես ի՞նչ եւ տեղի ունենում ձվարաններում:

Ձվարանները — յերկու փոքրիկ գործարաններ են, ընկած փորի ստորին մասում, արգանդի յերկու կողմից: Մինչև սեռական հասունացում տեղի ունենալը, դրանց չափերը շատ մեծ չեն լինում, բայց կնոջ զարգանալուն զուգընթաց, ձվարաններն զգալի մեծանում են: Դրանք հետզհետեւ ընդունակ են դառնում իրենց բնական նպատակները կատարելու: Նրանց յեշ մարդու ձվի պարբերաբար հասունացում եւ սկսում: Ամեն մի կնոջ կյանքում այս կարևոր յերեսութի եյությունը հետեւյալն եւ արդեն իսկ աղջկածնված որից նրա ձվարաններում հազիվ նշմարելի կետեր — ապագա ձվերի բեղմնավորություններ են լինում: Այդ կետերը, ամբողջ որգանիզմի զարգանալուն զուգընթաց, աստիճանաբար զարգանում, փոքրիկ բջիջների տեսք են ստա-

նում և միայն սեռական հասունության շրջանի մոտերքը վերջնականապես կազմավորվում են։ Այդ ժամանակ ձվարանների մեջ բազմաթիվ պառզ սլարկեր են լինում, վորոնք «գրաաֆյան բշտիկներ» են կոչվում, և ձուն նրանց մեջ ե լողում։ «Գրաաֆյան այդ բշտիկների» և, հետևապես, սաղմի ձվերի քանակը շատ մեծ ե, հասած աղջկա ձվարաններում դրանցից 30—40 հազար հատ կարելի յե հաշվել։

Սեռական հասունությունը տեղի ունենալու ժամանակից սկսած, ամեն ամիս, ժամանակի ճիշտ դադարներից (промежутки) հետո՝—մոտավորապես 28 որից հետո—տեղի յե ունենում մի քանի, կամ առնվազն, մեկ ձվի հասունացում, ըստ վորում այդ ժամանակ գրաաֆյան բշտիկը պատովում, հեղուկը նրա միջից դուրս ե գալիս, և հասունացած ձուն արգանդի մեջ ե ընկնում, ուր, աղամարդու սերմով բեղմնավորվելուց հետո, կարող ե զարգանալ։ Զվարանում՝ մարդու ձվի այս որինակ հասունանալը, նրա յերեալն ու բեղմնավորվելու ընդունակությունը, աղջկա սեռական հասունության հիմքն են դառնում։

Կնոջ ձուն հասունանալու ձվարանից դուրս գալու պլոցեսը՝ սեռական արտաքին գործարաններից արյունալին արտահոսություններով ե

ընթացակցվում, վորոնք կոչվում են «մենսորու-
 ացիա», դաշտան, լուսին կամ «ամսական մաք-
 րում»։ Կնոջ՝ այս արագահոսություններն առաջին
 անգամ տեղի յեն ունենում սեռական հասունու-
 թյան հետ և որա ամենամիշտ նշանն են հանդի-
 սանում։ Այսուհետեւ դաշտանները կրկնվում են
 ժամանակի կանոնավոր ընդմիջումներից հետո,
 մոտավորապես ամեն մի 28 որից հետո,՝ իսկ 45
 — 46 տարեկան հասակում իսպառ չքանում են։
 «Մենսորուացիա» բառը ծագում է լատինական
 «մենսիս» ամիս և «րուս» — հոսել բառերից, վոր-
 ցուց ե տալիս, թե այդ հոսումն ամեն ամիս
 կրկնվում է։ Դաշտանի «մաքրում» նրա համար
 ե կոչվում, վոր հին ժամանակներում հավատում
 ելին, թե կնոջ որդանիզմի մեջ անմաքրություն-
 ներ են հավաքվում, վորոնցից նա այդ արտա-
 հոսությունների միջոցով ե ազատվում։ Շատ
 յերկրներում ու շառ ժողովուրդների մեջ դաշ-
 տանի արյունը համարվում եր (զեռ այժմ ել
 տեղ տեղ համարվում ե) վոչ միայն անմաքրուր,
 այլև՝ վսասակար ու թունավոր։ Հին հրաների
 որենքով կինը դաշտանի ժամանակ անմաքրուր եր
 համարվում, ուստի յոթն որ առանձին պետք ե
 ապրեր։ Յեթե այդ ժամանակ տղամարդը լոկ կը-
 նոջ անկողնին եր մոտենում, նա արդեն պըղծ-
 ված եր համարվում և լվացման պետք ե յեն-

թարկվեր։ Իսկ յեթե նա այդ ժամանակ կնոջ
հետ սեռական հարաբերություններ եր ունենում,
յերկու ամուսիններն ել ծանր պատժի ելին յեն-
թարկվում։

Նույնիսկ հենց մինչև այժմ ել ժողովրդի
խավար ու տգետ խավերի մեջ, անգամ այսպես
ասած՝ «կուլտուրական» յերկրներում, դաշտա-
նի վրա նայում են վորպես վասակար ու դժ-
բախտություններ բերող մի յերեսութիւնի վրա։ Ի-
տալիայում բազմաթիվ ավանդություններ ասում
են, վոր յեթե դաշտանի ժամանակ կինը խոտը
տրորի, այն կիթս ռամի ու կչորանա, դաշտան ու-
նեցող կնոջ տեսած կաթը «կշաղվի— կկտրվի»
(մակարդվել), իսկ այդպիսի կնոջ մոտ քնող տղա-
մարդը մեջքացավով կտառապի։ Պարսիկների մեջ
այն ամենը, ինչի վոր դաշտան ունեցող կինը
ձեռք ե տալիս, պղծված (հարամ) ե համարվում։
Չինաստանի մի քանի վայրերում կինն իր դաշ-
տանի արյունն առանձին թղթի մեջ պետք ե հա-
վաքի, վորպեսզի այդ հետո այրվի։ Միևնույն
ժամանակ գոյություն ունին նաև հակառակ հա-
վատալիքներ, թե դաշտանի արյունը կարող ե
դործածվել իրեն դեղորայրի նյութ՝ պաղագ-
րալի, կարմիր քամու և ջղալին հիվանդություն-
ների ժամանակ։ Գերժանական մի ավանդություն

ասում ե՞ յեթե այդ արյունով աղտոտված շորը
հրդեհի մեջ նետեն, հրդեհը կհանգչի:

Ի հարկե՛նման ավանդությունների մեծ մա-
սը վոչնչի վրա հիմնված չի, բայց նրանցից մի
քանիսի մեջ վորոշիմաստ կա: Կնոջը մերձենալն
արգելելու, նրան «պիղծ» հայտարարելու և այլ
միջոցներով, մարդիկ կամեցել են դաշտանի ժա-
մանակ կնոջ համար անհրաժեշտ հանգիստ պայ-
մաններ ստեղծել, նրան աշխատանքից, սեռա-
կան հարաբերություններ ունենալու պարտավո-
րություններից ազատել և այլն:

Իսկ ի՞նչ ե կատարվում կնոջ սեռական ա-
պարատի մեջ՝ դաշտանի ժամանակ: Ինչով են
բացատրվում կանոնավոր այդ արտահոսություն-
ները:

Կնոջ արդանդը ներսի կողմից այսպես ա-
սած՝ «լորձաթաղանթով» ե պատաճ: Բեղմնա-
վորվելոց հետո կնոջ ձուն այդ թաղանթին ե
ամրանում: Արդանդի լորձաթաղանթն ամեն ա-
միս արյունով լցվում ե, այս դրության մեջ
այդ թաղանթն ընդունակ ե ձու ընդունելու և
կերակրելու ի հարկե, յեթե ձուն բեղմնավոր-
ված ե: Բայց չե՞ վոր բեղմնավորումը հազվագեղ
ե տեղի ունենում: Յեվ ահա, յեթե ձուն բեղմ-
նավորված չի յեղել, յեթե այն ուղղակի վոչըն-
չանում ե, այն ժամանակ տեղի յե ունենում

արգանդի լոձաթաղանթի քայքայում ե միաժամանակ՝ արյունահոսություններ։ Հետևապես արգանդի լորձաթաղանթից արյուն հոսելը, այսինքն՝ դաշտանը նշան ե այն բանի, վոր հղիություն տեղի չի ունեցել, լորձաթաղանթը քայքայվում ե, վորովհետեւ այս անգամ իրեն անելիք չի գտնում։

Դաշտանի արյունն առանձին վոչնչով չի տարբերվում սովորական արյունից, բացի այն, վոր նրա մեջ, արյան հիմնական մասերից զատ պարունակվում են նաև արգանդի ներթաղանթի կտորտանք, լորձյուն և այլն։

Տեղի ունեցող ամսական արյունահոսությունները միջին թվով 4-6 որ են տևում։ Նրանց տեփողականությունը կախված ե կնոջ ֆիզիկական զարգացումից, ժառանգականությունից, կյանքի կլիմայական, սոցիալական և այլ պայմաններից։ Ճիշտ արդպիսի տատանումների յել դաշտանի ժամանակ արտահոսող արյան քանակն ե զգալի չափով յենթակա։

Կնոջ դաշտանները նրա ամբողջ սեռական կյանքի ընթացքում (ընդմիջումներով՝ հղիության ժամանակ կամ վորե հիվանդության հետեւանքով) շարունակվում են միշտ 45-50 տարեկան դառնալը յերբ աստիճանական (կլիմակտերիկ) շրջանն ե թևակոխում։ Այդ ժամանակ կի-

նը կորցնում ե բեղմնավորվելու, հետեապես, և յերեխա ծնելու ընդունակությունը։ Այդ ժամանակ, բնականաբար, դադարում են և դաշտանները։

Դաշտանները տեղի յեն ունենում, ձվարանի գործունեյության հետ կապ ունենալով։ յեթե անդամահատության միջոցով ձվարանը հանվի, դաշտաններ այլես չեն լինի։

Գլուխ II

Սեռական հակում

Յերկու հիմնական բնազդ (հիմնական անգիտակցական ձգտում) կա ամեն մի կենդանի եյակի մեջ։ Ինքնապաշտպանության բնազդ և ցեղը շարունակելու բնազդ։ Գերմանացի մի բանաստեղծ ասել ե՝ «ամբողջ աշխարհը կառավարողը – սովոր ու սերն են»։ Կշտանալու, քաղցը հագեցնելու ձգտումը, ինքնապաշտպանության բնազդի արտահայտությունն ե, իսկ սերը – բազմանալու բնազդի, այսինքն՝ ցեղը շարունակելու արտահայտությունը։ Այս բնազդը սեռական գործունեյության միջոցով է յերեան գալիս, վորի զրդիչու – առանձին «սեռական» զգացողությունն ե։ Առողջ որդանիղմի մեջ այս ըգդացողությունը՝ դեպի մյուս սեռի անձնավորու-

թլունը հակում ունենալով և արտահայտվում։ Հակումը, սկզբում մութ ու անորոշ, աստիճանաբար փոխվում եւ պարզ ձգտումի դեպի սեռական ակտ, վորը սեռական հասունությունը տեղի ունենալուց հետո յեւ հնարավոր ու նպատակահարմար դառնում։

«Սեռական զգացողությունը» զուգավորման, այսինքն՝ սեռական ակտ կատարելու դրդիչն եւ, վորը յերեխա բեղմնավորելու, հետեւապես, և ցեղը շարունակելու անհրաժեշտ պայմանն եւ հանդիսանում։ Բայց յեթե մենք նայելու լինենք մեր շուրջը, կտեսնենք վոր ամենեին ել միշտ յերեխա աշխարհ բերելու համար չի, վոր մարդիկ սեռական հարաբերություններ են ունենում։ Շատ հաճախ եւ պատահում, վոր սեռական ակտն ու նրա հետ կապված բավականությունն ինքնին արդեն նպատակ են, իսկ յերեխայի հարցը—վերջին տեղն եւ բռնում։ Դեռ ավելին, մարդիկ հաճախ սեռական կյանք են վարում, տնտեսական կամ այլ պատճառներով գիտակցաբար չցանկանալով յերեխա ունենալ։ Բեղմնավորության դեմ ամեն տեսակի միջոցներ են ձեռք առնում և, յեթե դրանք չեն ոգնում, վիժման ոգնությանը, այսինքն՝ կնոջ արդանդից բեղմնավորված «պտուղն» արհեստական կերպով հանելուն են դիմում։ Կենդանիների անգիտակցա-

կան ձգտումը դեպի ցեղը շարունակելն ու դեպի
սեռական ակտի հետ կապված բավականությու-
նը միանում, մի բուռն ուժ են դառնում, վոր
արուն դեպի եզն ե քաշում ու ստիպում ենը-
րանց՝ միմյանց անձնատուր լինել:

Բայց մարդու մեջ այս բանն այլ կերպ ե
արտահայտվում: Հասարակական պայմաններին
զուգընթաց, վորոնց մեջ մարդն ապրում ե, ինչ-
պես և մտավոր զարգացմանը զուգընթաց, վոր
մարդուն ահագին տարածությամբ բաժանում ե
անասունից, մարդկանց բնական հակումները զա-
նազան փոփոխությունների յեն յենթարկվում:
Այս ազդեցություններն իրենց ճանաչել են տը-
վել նույն սեռական զգացողության նկատմամբ:
Մինչդեռ անասունների սեռական հակումը սեռա-
կան գեղձերի հետ ե սերտ կապված, մարդու մեջ
այս բանում խոշոր նշանակություն ունի գլխի
ուղեղի գործունեյությունը, վորը նրա «հոգեկան»
(այսինքն՝ ամբողջ հոգեոր կյանքի) հիմքն ե կազ-
մում: Բազմանալու և զուգավորման ձգտումները
մարդու նկատմամբ պետք ե զանազանել:

Յերբ մենք սեռական զգայության, կամ
«հեշտասիրական զգայության» մասին ենք խո-
սում, չպետք ե կարծենք, վոր այդ նույնպիսի
պարզուց զգայություն ե, ինչպես որինակ՝ «լը-
սելը», «տեսնելը», «հոտոտելը» և այլն: Դժվար

թե կարելի լինի յենթադրել, վոր առանձին, ուրիշ զգայություններից ջոկ, «սեռական մի զգայություն» ել կա: Գիտնականների մեծ մասն այն կարծիքին ե հակված, վոր հեշտասիրական զգայությունը — մաշկը շոշափելու ընդհանուր զգայության միայն մի մասն ե: Զգայությունը մաշկի խտղտոցին շատ մոտիկ ազգակցություն ունի ե ինքն ել շատ ուժեղ խտղտոց ե:

Բայց միևնույն ժամանակ՝ հեշտասիրական զգայությունն անկասկած ցավ զգալու հետ կապ ունի: Մենք գիտենք, վոր ամբողջ մարմինի մաշկի ու արտաքին լորձաթաղանթների մեջ զգացողության նյարդերի առանձին վերջավորություններ կան, վորոնք մեզ հնարավորություն են տալիս շոշափելիքի զգայությամբ ոգտվելու: Սեռական արտաքին գործարանների մեջ նյարդերի վերջավորությունները շատ նման են մաշկի մեջ գոյություն ունեցող զգայության նյարդերի վերջավորություններին, բայց սեռական ակտի ժամանակ, տղամարդու և կնոջ սեռական գործարանների հպման միջոցով այդ վերջավորությունների զրգիւն այն հեշտասիրական առանձին հաճելի զգայությունն ե տալիս, վորի համար մարդիկ սեռական ակտին են ձգտում: Զուգավորման ժամանակ հեշտասիրական այդ զգայությունն ավելի ու ավելի ,ե սաստկանում

և, վերջապես լարվածության ծայր աստիճանին այսպես ասած՝ «սեռական հաճույքին» (որդուկ) ե հասնում, վորը տղամարդկանց համար սերմնահոսության հետ ե կապված, իսկ կանանց համար—լորձահոսության հետ՝ սեռական գործարանների գեղձերից։ Դրանից հետո՝ սովորաբար թեթևություն ու հանգստություն ե զգացվում։ Իզուր չի, վոր գիտնականներից վոմանք սեռական ակար փոշտալու հետ են համեմատել. խըտղոց զգալը և այնուհետև փոշտալուց հետո թեթևությունը իսկապես մեծ նմանություն ունի սեռական ակտի ժամանակ փոփոխվող զգայության։

Արդ, սեռական ակտ կատարելու համար տղամարդուն ու կնոջը՝ մեկը դեպի մյուսին դրդող սեռական հակումը մարդկային ընության մեջ խորը և անկապտելիորեն արմատացած հիմնական ձգտումներից մեկն ե։ Սեռական հակումը, սեռական հասունությունից հետո յեմիայն սեռական ակտին ձգտելու պարզ ու հըստակ ձև ընդունում։ Յերեխանների մեջ, որինակ, մինչև այդ շրջանը բազմապիսի անորոշ ձգտումներ, մութ զգայություններ են նկատվում, վորոնք անտարակույս կապ ունին սեռի մեջ առաջ յեկող զգայության հետ։

Տղան ու աղջիկն իրենց սեռական պահանջ-

ները կարող են բավարարել միայն սեռական հասունությունը տեղի ունենալուց հետո, և այն ել վոչ ամենաին մեկ անգամից, այլ այն ժամանակ միայն, յերբ նրանց վողջ որդանիզմը կամրապնդվի։ Այստեղ մենք կարող ենք դիտել մարդու որդանիզմի բնութիւն անհամապատասխանությունը, վորով սեռական հակումների սկզբնավորություններն առաջ են գալիս դեռ մանկական վաղ հասակում, իսկ սեռական հասունությունը՝ շատ տարիներ հետո յետեղի ունենում։

ՅԵՐԵԽԱՅԻ ՍԵՐԵՐԻ ՍԵՐԵՐԻ ՊՊԱՅՈՒԹՅՈՒՆՆԵՐԸ

Առաջ կարծում ելին, թե մինչև կատարյալ հասունությունը սեռական զգայությունները գրեթե իրենց ճանաչել չելին տալիս։ Բայց, ավստրիացի գիտնական Ֆրեյդի կատարած վերջին տարիների հետազոտությունները հակառակն են ապացուցել։

Վողջ կյանքի հիմքը— եվոլյուցիան ե, այսինքն՝ սստիճանական փոփոխությունը։ Բնությունը թոիչքներ չունի—ուստի դժվար ե կարծել, թե յերեխաների մեջ սեռական վոչ մի զգայություն դեռ չի յեղել, և վոր սեռական զգայությունը՝ սեռական հասունության շրջանում հանկարծ ու անսպասելի կերպով առաջ գար։

Հստ ֆրեյդի ուստունքի, սեռական բնագ-

դը, բառի բուն իմաստով, շատ վաղ, մանկական ամենավաղ հասակում ե առաջ գալիս։ Անգամ դառողություն չունեցող ծծի յերեխան արդեն վորոշ տեսակի սեռական զգայություն ունի, այն բավականությունը, վոր նա զգում ե մոր ծիծը ծծելիս, սեռական զգացողության հետ կապ ունի։ Սեռական զգացողությունները դեռ մանկության առաջին որերում են առաջ գալիս, իսկ հետագայում միայն խորանում և մարդու հասակին զուգընթաց յերեխան են գալիս զանազան ձևերով։

Սեռական զգացողություններ ընդունելու առանձին ընդունակ մասերը («սիրածին գոտիները») յերեխայի մարմնի մեջ տարբերվում են. առենից շատ սիրածին տեղերին շրթունքներն են պատկանում (ուստի ծծելը յերեխային բավականություն ե պատճառում, յեթե անգամ կերակուր ընդունելու հետ կապ չունի այն)։ Յերեխաները հաճույքով ծծում են սեպհական մատները, պտուկներ, խաղալիքներ և այլն։ Ծծող յերեխաների մաջ, իբրև բավականության արտահայտություն, նկատվում ե վոչ միայն դեմքի կարմրությունը, այլև՝ իրանը ձգվում ե, աղղթերը սեղմվում են, այսինքն՝ տեղի յեն ունենում այնպիսի շարժողություններ, վորոնք պարզորեն սեռական ընուլթ են կրում։ Հասակավորների մեջ շրթունք-

ների այս սիրածնությունը պահպանվում և համբուլների հակումունենալու ձև ե ընդունում։ Համբույրի նման ինչ վոր բան կա գրեթե բոլոր կենդանիների մեջ։ արուներն ու եղերն իրարից հոտ քաշելիս, իրար սեռական գործարաններ են լիզում։ Աղամբիներն, որինակ, գրեթե համբուրվում են, իրար հետ կտուց-կտցի տալով։ Նույնպիսի սիրածին գոտի յել հետանցքի բոլորտիքն ե։ Ֆրեյդը, համաձայն իր կատարած դիտողությունների, հաստատում է, վոր նույնիսկ արտաթորման ակտը յերեխային ստիպում ե սեռական բավականություն վերապրել։

Սկզբում յերեխան այսպես ասած՝ ավտոերոտիզմի շրջան ե վերապրում, յերբ իր ձեռքերը սեպհական մարմնին դիպչելիս բավականություն ե զգում։ Հետագայում սեռական բնազդը փոխվում ե դեպի ուրիշ, սկզբում յերեխային մոտիկ անձ—ծնողներից, դաստիարակներից, մոտիկ ընկերներից մեկին, (նույնիսկ յերեխային համասեռ մարդու) և այլն։ Բայց ֆրեյդի կարծիքով, այդ հասակում դեպի սերծավոր ազգակիցն ուղղված սեռական ձգտումներ են հաճախ պատահում։ Ըստ նրա դիտողությունների, աղջրկա սեռական ձգտումը սովորաբար դեպի հայրն ե լինում, իսկ տղայինը—դեպի մայրը, արդեն դեպի ուրիշ սեռի անձ։ Այս տեսակեաից ման-

կական վաղաժամ շրջանի սեռական բնագին արդեն հասակավոր մարդկանց սեռական հակումին ե մոտենում:

Այս կամ այն սեռին պատկանելը յերեխաների հոգեկան կյանքի մեջ ավելի վաղ ե արտահայտվում, քան սեռական գործարանների զարգացումը և գիտակցական սեռական բնագին առաջացումը։ Դեռ բոլորովին փոքրիկ տղաներն ու աղջիկներն իրենց հոգեկան կառուցվածքով արդեն վորոշ բաներով իրարից տարբերվում են։ Աղջիկների մեջ յերեան ե գալիս զուքվելու տեսչ, դուր գալու, տղաներով հրապուրվելու ցանկություն և այլն։ Փոքրիկ աղջիկների մեջ առանձնապես բնորոշ ե սերը և հոգատար խնամքը դեպե փոքրիկ տիկնիկները։ Սրանով դեռ սաղմնային դրությամբ արտահայտվում ե այն, ինչ վոր հետագայում մայրական սեր պետք ե դառնա, թեև զուտ բնագիտական, դեպի սեռական զգացողությունն ուղղակի ակնարկ չունեցող արտահայտություն ե այդ։ Իր հելթին տղաների մեջ ցանկություն ե առաջ գալիս աղջիկների աշքում հերոս յերեաւ, ֆիզիքական ուժով պարծենալ ե այն։

Սեռական հակումն իր զարգացման ամենասկզբնական շրջանում դեռ բոլորովին անորոշ բնույթ ե կրում, — կիսով չափ անզիտակցական ու անհասկանալի մի զգացողություն ե այդ, վորը

աղային՝ դեպի իրեն առանձնապես հրապուրիչ յերեացող իգական սեռն ե քաշում։ Առաջ են դալիս ակամա «կանգնումներ» (սեռական անդամի ձգվածություն), վորը տղայի ուշադրությունն իր վրա յե դարձնում և ստիպում ե նըրան սեռական կյանքի մասին մտածել։ Հետագայում արդեն տղան կարող ե սիրահարվել կը-նոյ վրա և նըրան տեսնելիս կամ նըրա մասին միայն մտածելիս «կանգնում» առաջացնել։ Միաժամանակ նա անորոշ ցանկություն ե զգում, վորը զուգավորման վրա թեև այնպես չի յել կենտրոնացած, ինչպես հասակավոր տղամարդունն ե, բայց և այնպես սաստիկ զգայնության նշան ե կրում։

Յերկար ժամանակ այս բոլորը մնում են՝ անորոշ ցանկությունների, տենչանքների և ձրգումների շրջանում առանց բավարարման։ Յերեվակայությունը սեռական բնագավառի հետ կապ ունեցող ամեն տեսակի պատկերներ ե գծագրում։ Այն կանայք, վորոնց ուղղված ե սեռական ձրգումը, նըրանք յերազում յերեսում են, զրգիռ են առաջըերում, վորին հաջորդում ե «կանգնումը»։

Սովորաբար յերազում, յերբ զիտակցությունը լուսում ե, և հեշտասիրական ամեն տեսակի պատկերների գործունեյությունն ավելի ուժեղ ե, քան արթուն ժամանակ, սեռական գըր-

գիոր, վոր կապ ունի «կանգնումների» հետ,
սերմնահոսության - յերաղախարությունների յե
հասցնում։ Բայց արթուն ժամանակ ել, սեռա-
կան ցանկությունից առաջ յեկած զրգիոր կա-
րող ե այն աստիճան ուժեղ լինել, վոր տղան
ձեռքերով զբգոի իր սեռական գործարանները,
վորպեսզի իրեն հաճելի զգացողություն պատճա-
ռի։ Բայց տղամարդու սեռական ընդունակու-
թյունը նրա սեռական հասունությունից հետո յե
միայն կատարելապես զարգանում։ Միջին հաշ-
վով, տղամարդու սեռական ույժը, այսինքն՝ սե-
ռական հարաբերություններ ունենալու ընդու-
նակությունը 25-ից, մինչև 40 տարեկան հասա-
սակը բարձր մակարդակի վրա յե գտնվում։ 40
տարեկանից սկսած սեռական ուժն սկսում է հե-
տըզհետեւ թուլանալ և 70 տարու մոտերքը, իսկ
հաճախ ել առաջ, բոլորովին մարում ե։

Ինչ վերաբերում ե աղջիկներին, սեռական
ընազդի հետ կապ ունեցող նրանց առաջին վե-
րապրումները նույնպես մութ ու անորոշ են։ Սե-
ռական հասունությունը թևակոխող աղջկա հո-
գեկան աշխարհը շատ ե բարդ ու հեղինեղուկ.
Նրա զիտակցության խորքերում ինչ վոր անո-
րոշ ցանկություններ են ծագում, նրա ամբողջ
հոգեկան աշխարհում խիստ հեղաշրջում ե տեղի
ունենում։ Հաճախ տրամադրության խիստ փո-

վոխություններ են նկատվում. առաջ՝ ուրախ, անհոգ, անկեղծ, ասող-խոսողը, կիս դառնալով՝ դառնում ե մտածկոտ, բարվոք ե համարում ժամանակն անցկացնել մենակության ու մտածմունքների մեջ։ Աղջկա ամենից շատ ազդվելու, ամեն տեսակի ազդեցություններին հեշտությամբ յենթարկվելու հասակն ե այդ։ Այդ ժամանակ ձևավորվում ե կնոջ վոչ միայն ֆիզիկական տիպարը, այլև զգալի չափով նրա ներքին աշխարհը։ Անգիտակցական և անորոշ ձգտումներից աստիճանաբար սեռական պարզ հակում ե զարգանում դեպի ուրիշ սեռի եյակ-դեպի տղամարդը։

Սակայն, — ինչպես մենք խոսեցինք նաև տղաների մասին, — սեռական հասունությունը թեվակոխած աղջկան չի կարելի միանգամից ընդունակ համարել նորմալ սեռական կյանք վրելու։ Ճիշտ ե՝ աղջիկը սեռական հակում արդեն զգում ե, սեռական ակտ կատարել նա արդեն կարող ե, նույնիսկ կարող ե և հղիանալ-բայց հասցնել, ծնել ու միանգամայն առողջ յերեխա կերակրել — նա դեռ անկարող ե։ Նրա որդանիզմը դեռ բավականաչափ ամրացած չի։

Մինչև այժմ մենք սեռական զարդացման նորմալ, այսինքն՝ սովորական և ճիշտ ընթացքի մասին խոսեցինք։ Մենք տեսանք, վոր չնայած, որ-

ղայի կամ աղջկա որդանիզմներն ակնհայտ կերպով թևակոխել են սեռական հասունության շըրջանը, բժշկական տեսակետից, սեռական հարաբերություններ նրանց դեռ չեն կարող թույլատրվել։ Սակայն հաճախ պատահում ե, վոր սեռական զ օրգացումն ավելի առաջ ե տեղի ունենում, քան տեղի պետք ե ունենա նորմալ կերպով և պատահուն սեռական զուգավորման ե մղում այն ժամանակ, յերբ նրա որդանիզմն իր զարգացումն ավարտելուց դեռ հեռու յե, քան սովորաբար լինում ե այդ։

Սեռական զգացողության վաղաժամ առաջացումը

Վորոնը են վաղաժամ սեռական զգացողություն առաջ գալու պատճառները։

Վաղաժամ սեռական զգացողության մեջ շատ մեծ դեր են խաղում ժառանգականությունն ու ընածին տրամադրությունը։ Կան յերեխաներ, վորոնը անկախ արտաքին այն պայմաններից, վորոնց մեջ իրենք դրված են, վաղ են սկսում սեռական զգացողություններ ուժեղ կերպով վերապրել։ Կան ամբողջ ընտանիքներ, ուր յերեխաները վաղ են հասունանում, հայտնաբերելով սեռական միանգամայն պարզ հակում։ Արապատճառը շատ անգամ ժառանգական ազդեցությունն ե լինում։ Զղային ու հոգեկան հիվան-

դություններով, ալկոհոլականությամբ ու նման
այլ ձգձգվող և ծանր հիվանդություններով տա-
ռապող ծնողների յերեխաները հաճախ ժառան-
գում են չափազանց անկայուն նյարդային հա-
մակարգություն։ Այս բանը կարող է պատճառ
դառնալ ժամանակից առաջ սեռական հասու-
նություն առաջ գալուն, ըստ վորում, այդպիսի
դեպքերում սեռական զգացողությունը ծայր աս-
տիճան լարվածության կարող է հասնել։

Մենք տեսանք, վոր ցեղական և կլիմայա-
կան պայմանները սեռական կյանքի վրա նույն-
պես առանց ազդեցության չեն մնում։ Հրյաների
մեջ սեռական հասունության նշաններն ավելի
շուտ են յերեան գալիս, քան մյուս ցեղերի ներ-
կայացուցիչների մեջ։ Հարավային յերկիրների
բնակիչներն ավելի շուտ են սեռական կյանք ըս-
կում, քան հեռավոր հյուսիսինը։

Պակաս նշանակություն չունին նաև հասա-
րակական պայմանները, վորոնց մեջ յերեխան
զարգանում ե։ Կանգ առնենք գյուղի ու քաղա-
քի կյանքի վրա։ Աղջիկների սեռական հասունու-
թյունը գյուղում ավելի ուշ է սկսվում, քան քա-
ղաքում—առաջին դաշտաններն ուշ են յերեսում։
Ամենից առաջ այստեղ անդրադառնում են գյու-
ղական կյանքի և աշխատանքի ծանր պայման-
ները՝ որգանիզմը կմախքացնող, ուժից վեր աշ-

խատանքի ազդեցությունը և նյութական ամեն տեսակ դժբախտությունների ու զրկանքների ազդեցությունը։ Մյուս կողմից՝ կատաղի ու յեռուն կյանք վարող քաղաքը լի յե շատ գալթակղություններով՝ յերեխան չի պաշտպանում իրեն փչացնող ասեն տեսակի ազդեցություններից՝ գալթակղություններից, անհարմար գրքերից, «Նկարներից, թատրոններից, «Լուսավոր ընկերներից» և այլն։ Այս բոլորն անդրադառնում են սեռական հակում առաջ գալու ժամանակի վրա։

Այս տեսակետից շատ հաճախ ազդում են նաև ընտանեկան շրջապատը, վորի մեջ յերեխաները դաստիարակվում են։ Որինակ, վերցնենք ունեոք ընտանիքը — այստեղ՝ սեռական վաղահասությանը նպաստող բազմաթիվ պատճառներ կան։ Տաք վառած ընակարանները, չափազանց փափուկ և տաք անկողինները, հաճախակի տաք վաննաները, — այս բոլորը սեռական զգայության վրա գրգռիչ կերպով են ազդում։ Զափազանց առատ ու մննդարար կերակուրը, մեծ քանակի միսը, մեծ քանակությամբ բազմապիսի քաղցրավենիքը, յերեխանների կողմից թեյ և սուրճ գործածելը — այս բոլորը նպաստում են սեռական գրգիռ առաջ գալուն և սաստկացնում են այն։ Յերեխայի շարժվածքները խանգարող և նը-

ըստ սեռական գործարանների վրա ճնշում գործ դնող զգեստը գրգռում է գործարանները և յերբեմն սեռական գրգիռ առաջանալու պատճառ դառնում։ Որինակ, շնորհիվ վարտիքի, գլխավորապես սեռական գործարանների մասում, խոնավ տաքություն է զարգանում, միզելու ժամանակ սեռական անդամը դուրս հանելը նույնպես վորոշ գրգիռով է ընթացակցվում, վորը ձեռնաշարժության (ոնանիզմ) պատճառ կարող է դառնալ։ Պարապմունքների ու հանգստի սխալ բաշխումն իր հերթին՝ կարող է վաղաժամ սեռական զգայություն առաջ գալու աղբյուր դառնալ։

Նստակյաց կյանքը, վոր յերեխանները հաճախ վարում են ինտելիգենտ ընտանիքներում, շարժողությունների բացակայությունը սեռական անդամների մասում արյունը կանգնեցնում և, հետեւապես չափազանց վաղաժամ սեռական հակումի զարգացում է առաջ բերում։

Ծծայրերը յերբեմն փորձում են յերեխաններին հանգստացնել, նրանց մարմնի միքանի մասերը, վորոնց թվում և սեռական գործարանները խողտելու միջոցով։ Այս բոլորը յերեխայի վրա նույն ուղղությամբ են ազդում։

Վերջապես, սեռական զգայության վաղաժամ զարգանալու վրա ազդում են նաև զանազան հիվանդություններ, վորոնց յենթարկված

Են յերեխաները։ Արյան՝ պակասությունը, գեղախտը, անգլիական հիվանդությունը — այս բոլորը յերեխաների մեջ առաջ են բերում թուլություն ու նյարդային համակարգության անկայունություն և հետեւապես, սեռական ձգտումներն ուժեղ կերպով զարգանալու պայմաններ կարող են ստեղծել։ Այս թվին են պատկանում նաև տեղական բնույթի հիվանդությունները — սեռական որգանների մասերում քոր բերող բծերը առանձին փոքրիկ ճիճուները (փորի կլոր ճիճու), վորոնք յերեխաների սեռական գործարանների վրա յեն սողում (սովորաբար աղջիկների մեջ ելինում այդ), նրանց զրգում և պայմանավորում են վաղաժամ սեռական ցանկությունը։

Բացի յերեխայի ֆիզի'լական, այսինքն՝ մարմնական զարգացմանը վերաբերող վերոհիշալ բոլոր ազդեցություններից, իրենց ազդեցությունն են թողնում նաև բազմապիսի «պսիխիկական», այսինքն՝ հոգեկան մոմենտները, վորոնց ազդեցությունից յերեխան դժվար թե ազատվել կարողանա։ Այս պայմանները, վորոնց մեջ յերեխաներն ապրում են, բնակչության վոր շըրջանում, վոր դասի մեջ ել ուզեք, կարծեք, այնպես են դասավորված, վոր նրանց մեջ սեռական կյանքի ծարավը վաղ առաջ բերեն։

Վերցնենք, որինակ, բնակչության չքավոր

դասակարգը։ Զքավորների մեծ մասը նեղլիկ խցիկներում ու տախտերի վրա յեն պատսպար- վում։ Իր ճանաչողության առաջին որերից յե- րեխան այստեղ այնպիսի տեսարաններ ե տես- նում, վորոնք նրա մեջ ակամացից սեռական ձգտում են առաջ բերում։ Սովորաբար ընտա- նիքի անդամները միասին են քնում։ Բնակարա- նալին պայմանների պատճառով սեռերն իրարից ջոկ պահել հնարավոր չեն։ Տղաներն աղջիկների հետ նույն մահճակալի վրա յեն քնում, և այս- պիսով անընական վաղաժամ սեռական զգայու- թյուն առաջ գալու պայմանները պատրաստ են։

Բայց ունեոր ընտանիքներում ել յերեխան շարունակ ստիպված ե լսել յերկիմաստ խոսակ- ցություններ, վորոնք նրա հետաքրքրությունը վառում, նրան ստիպում են անհասկանալի շատ յերեսույթների լուծումներ վորոնել։ Հասակավոր- ները չեն քաշվում յերեխանների մոտ սեռերի միջև յեղած հարաբերությունների մասին խոսե- լուց, սխալ կերպով կարծելով, թե յերեխան վոչինչ չի ըմբռնում։ Յերեխալին ցույց տված ամբողջ խնամքը նրա հետաքրքրությունն ե բոր- բոքում։ Սեռական գործարաններին կրկնակի ուշադրություն դարձնելը, սրանք անվերջ ուրի- շի աչքից ծածկելը — այս բոլորը յերեխալի հոգու մեջ այն պատկերացումն են մտցնում, վոր սե-

ուական որդանները մարդու կյանքի մէջ ինչ վոր
առանձին, խորհրդավոր դեր են խաղում:

Թատրոնների, պատկերների ու գրականու-
թիան ազդեցությունների վրա մենք արդեն
կանգ առել ենք:

Բոլոր ասածներից յերկում ե, վոր վաղա-
ժամ սեռական զգայություն առաջ գալու պատ-
ճառները շատ են, և նրանց սեծ մասը կյանքի
հասարակական ամբողջ կառուցվածքի մեջ ե խորը
կերպով արմատացած։ Սեռական հակումի վերո-
հիշյալ իսկ վաղաժամ զարգացումն ե պատճառ
դառնում, վոր յերիտասարդներն իրենց սեռա-
կան կյանքը վաղաժամ են սկսում։

Գլուխ III

Վաղաժամ սեռական կյանքը

Որդանիզմի սեռական հասունացումն, ինչ-
պես առված ե վերեսում, միջին թվով սկսվում ե
տղաներինը՝ 14—16, իսկ աղջիկներինը՝ 13—15
տարեկան հասակում։ Մենք արդեն տեսանք,
վոր այս հասունացումն ամենեին ել չի նշանա-
կում անհապաղ սեռական հարաբերություններ
սկսելու կատարյալ հնարավորություն։ հասունա-
ցումն այս շրջանում միայն սկսվում ե, իսկ
վերջանում ե տղամարդկանց համար 25, կանաց
համար՝ մոտավորապես 21—22 տարու մոտեր-

բը։ Այս իսկ տարիներում ել պետք եր, վոր նոր-
մալ կերպով սեռական կյանք սկսվեր։ Բայց սո-
վորաբար զգալի չափով այն շուտ ե սկսում։ Մեր
որերում դժվար թե կարելի լինի գտնել 17—18
տարեկան մի յերիտասարդ, վորն արդեն սեռա-
կան ակտ կատարած չլինի։ Աղջիկները նույն-
պես, համեմատաբար, վաղ են ծանոթանում սե-
ռական կյանքին։ Սեռական կյանքը, ցավոք սըր-
տի, շատ ավելի վաղ ե սկսվում, քան չամրա-
ցած որգանիզմն ընդունակ ե դառնում կյանք
տալու ուրիշ առողջ երակի և, ընդհանրապես,
առանց իրեն մնաս պատճառելու սեռական ակ-
տի հետ կապ ունեցող ցնցումները տանելուն։

Իսկ թե արդի յերիտասարդությունը յէրբ
ե սկսում սեռական կյանքը, այս ուղղությամբ,
կատարված են յեղել մի քանի հետազոտություն-
ներ։ Յերիտասարդներին անոնիմ (առանց ստորա-
գրության) անկետաներ են բաժանել, վորոնց, վե-
րադարձնելուց հետո, ստացված տեղեկություն-
ների ընդհանուր հաշվարկում են կատարել։ Բա-
նից դուրս ե գալիս, վոր սեռական կյանքը շատ
հաճախ նույնիսկ ավելի շուտ ե սկսվում, քան
սովորաբար մենք կարծում ենք։ Որինակ, վերց-
նենք յերիտասարդ տղամարդկանց 1914 թ. Մոսկ-
վայի ուսանողության մեջ կատարած անկե-
տայի տվյալների համաձայն) տղաների 11,9%⁰

սեռական կյանքն սկսած են յեղել մինչև 13 տարեկան հասակը, այսինքն՝ այնպիսի հասակում, յերբ սեռական հարաբերությունների վորեն նորմալության մասին խոսք անգամ լինել չի կարող: 14—16 տարեկան հասակում սեռական կյանք սկսած են յեղել $39,2^{\circ}/_0$: Այսպիսով՝ 16 տարեկան ուսանողների կեսից ավելին սեռական կյանքով արդեն ապրած են յեղել: Մնացած $48,9^{\circ}/_0$ -ը՝ արդեն 16 տարեկանից հետո յեն սեռական հարաբերություններ սկսած յեղել: Բայց նրանց մեջ ել, բնականաբար, յեղել են շատ յերիտասարդներ, վորոնք սեռական կյանքն սկսած են յեղել 17—18 տարեկան հասակում,— այնպիսի հասակում, յերբ, իհարկե, չի կարող այնպես անբնական համարվել, ինչպես 12—13 տարեկան հասակում զուգավորվելն ե, բայց յերբ համենայն դեպս, սեռական հարաբերությունները վաղաժամ են համարվում: Միևնույն ժամանակ չպետք ե մոռանալ նաև բոլոր հասակներում մեծ թվով ձեռնաշարժությամբ պարապողներին, վորոնց նույնպես պետք ե համարեն սեռական կյանքն սկսածներ:

Ինչ վերաբերում ե կանանց, նրանք, ընդհանրապես, սեռական կյանքն ավելի ուշ են սկսում, քան տղամարդիկ: Այստեղ թե առարկայական և թե անձնական բնույթ կրող շատ

պատճառներ կան։ Սեռական կյանքը բոլորովին չճանաչած մեծ թվով աղջիկներից զատ, կանացից շատերն զգալի չափով ուշ հասակում են սկսել այն։ Կանայք սեռական կյանքն ամենից շատ 16—22 տարեկան հասակում են սկսում։ Այստեղ ևս, ինչպես տեսնում ենք, 16—17—18 տարեկան հասակում սեռական կյանքին ծանոթացած կինն ամենևին բացառություն չի կազմում։ Իսկ սեռական կյանքի համար այս հասակը նորմալ չի կարելի անվանել։

Ի՞նչ վնաս ունեն սեռական վաղաժամ հարաբերությունները։ Նրանց յերկու տեսակի վնասի մասին մենք արդեն խոսեցինք, — թե՛ վաղաժամ զուգավորում սկսող իսկ մարդու որգանիզմի և թե՛ գալիք հնարավոր սերնդի համար։

Վորպեսզի հասկանանք վաղաժամ սեռական հարաբերությունների վնասակար աղդեցությունն որգանիզմի վրա, պետք ե սեռական ակտի մասին ևս մի բան հիշատակել։ Սեռական գրգիռը չի սահմանափակվում միայն սեռական գործարաններով ու նյարդային համակարգության այն մասերով, վորոնք նրանց գործունելությունն են վարում։ Սեռական գրգիռը՝ արյունատար անոթների ամբողջ համակարգությանն ե հաղորդվում։ Տղամարդու սեռական գործարանի կանգնումն առաջ ե գալիս՝ գործարանն արյունով լցվելուց,

արյան այսպիսի մակընթացություն տեղի յե ու-
նենում նաև կնոջ սեռական գործարաններում:
Մաշկի անոթները լայնանում են, սեռական գըր-
գիոի ժամանակ յերեսը կարմրում է, աչքերը
նույնպես լցվում են արյունով։ Սիրտն ուժգին
բարախում է, սրա աշխատանքն ուժեղ թափով
է ընթանում։ Ուղեղի մեջ արյան ուժեղ մա-
կընթացություն է առաջ գալիս, վորի հետեան-
քով դատողությունը մթագնում է, իսկ սեռա-
կան հաճուրի—որգազմի (սեռական զգացողու-
թյան ծայրահեղ լարվածության) մոմենտներում
նույն իսկ մի ակնթարթ տեղի յե ունենում գի-
տակցության կորուստ։ Կան մարդիկ, վոր այդ
ժամանակ ծանր են շնչում, հեվում են, ուրիշ-
ների--շնչափողերի մկանները ցնցումով են
բռնվում ու դուրս են թռչում ձայնարկություն-
ներ։ Նյարդային համակարգությունը ցնցվում է,
շարժումներն ու զգացողություններն անկանոն
են դառնում, ձեռքերի ու վոտքերի ջղաձգու-
թյուններ, նույնիսկ ցնցումներ են նկատվում։

Մենք տեսնում ենք, վոր սեռական հափշ-
տակության մոմենտում գրգիոը հսկայական թա-
փով բռնում է վողջ որգանիզմը։ Մարդու բոլոր
գործարաններն ու նյարդային համակարգու-
թյունը խիստ ցնցումների յեն յենթարկվում։
Սեռական ակտը վերջանալուց հետո որգանիզմը

հետզիետե հանգստանում ե, բայց սեռական ակտը նյարդային համակարգության վրա առ անապես ուժեղ կերպով է աղդում։ Մեծ քանակությամբ նյարդային ուժ է ծախսվում, վորը յերեվում ե սեռական ակտից հետո տեղի ունեցող հոգնածությունից ու քնկոտությունից։ Ամբակազմ մարդկանց մեջ արտահայտությունն ավելի քիչ է, բայց նյարդային համակարգությունը քայլաված ու ջղագար մարդկանց մեջ այդ հոգնածությունը խիստ նկատելի յէ. ինչպես յերևում է, զուգավորումը քայլայում ե նրանց նյարդային ուժերի վերջին մնացորդները։

Հասկանալի յէ, վոր միանգամայն հաստատուն և ամբապնդված որգանիզմի տեր մարդու համար այս բոլորը կարող ե անվտանգ անցնել։ Հասակավոր ու միանգամայն ամբապնդված մարդու համար իրեն սեռական ուժին չելք գտնելու ցանկությունը, սեռական ակտի մեջ ե թեթևություն գտնում. դրանից հետո նրանց մեջ (իհարկե, յեթե չեն յեղել քայլայիչ սանձարձակություններ) հաճելի հանգստություն ե տեղի ունենում։ Բայց մատաղ, չամբապնդված, չզարդացած որգանիզմը չափազանց վաղաժամ սեռական հարաբերություններից շատ շուտ կարող ե քայլայել ու թուլացնել իրեն։

Սեռական հարաբերությունները վաղ հա-

սակում անշուշտ ցանկալի չեն նաև հետեւյալ
 նկատառումներով։ Մարդու կյանքի մեջ սեռա-
 կան հակումին խոշոր տեղ է տրված։ Նա մեր
 ամբողջ գոյության վրա իր կնիքն է դնում։
 Մարդը շարունակ կռվում է իր սեռական հա-
 կումների դեմ, ձգտելով իր կամքին հնազանդեց-
 նել և կազմակերպված հունի մեջ դնել այս:
 Բայց կյանքի փորձառություն, տոկունություն
 ու բնավորության հաստատություն չունեցող յե-
 րիտասարդն ամեն անգամ այդ անելու հնարա-
 վորություն չունի։ Հենց վոր անձնատուր ե լի-
 նում սեռական բռնկումներին, նա ավելի ու ա-
 վելի յե տարվում իր սեռական ապրումներով,
 յերբեմն նույնիսկ կորցնելով նրանց վրա և իր
 վրա իշխելու ընդունակությունը։ Ապացուցված
 է, վոր մարդ սեռական կյանքով վորքան շատ ե
 ապրում, այնքան ավելի յե ձգտում, ընտելանում
 այդ կյանքին։ Այսպիսով վաղ հասակում ամուս-
 նացած մարդիկ, յերբ սեռական հարաբերու-
 թյունները նրանց մատչելի յեն, ի չարն են
 գործ դնում այն, և սանձարձակություններին
 այն աստիճան հեշտությամբ են յենթարկվում,
 վոր իրենց որդանիզմը կատարյալ քայլայման
 են հասցնում։ Սեռական սանձարձակություննե-
 րը, վոր այս բնագավառում ի չարն են գործ
 դրվում, վսասակար կերպով են անդրադառնում

նաև առողջ որդանիզմի վրա, իսկ մատաղ, չամ-
րացած որդանիզմները սանձարձակություններից
ել ավելի խիստ կերպով են քայքայվում։ Սեռա-
կան հարաբերությունների հաճախակի կրկնու-
թյունը թուլացնում ե թե մարդու սեռականու-
ժը և թե, ընդհանրապես, քայքայում ե նրա
նյարդային համակարգությունը։

Սեռական հարաբերությունների մի ուրիշ
վասի վրա ևս պետք ե կանգ առնել – սերնդի
վրա սրանց վասսակար ազդեցության վրա։ Մենք
գիտենք, վոր ծնողների մի շարք հատկություն-
ներ ժառանգաբար հաղորդվում են զավակներին։
Վորպեսզի սերունդն առողջ լինի, անհրաժեշտ ե
վոր ծնողներն առողջ լինին և փոխադարձաբար
լրացնեն միմյանց ընական պակասությունները։
Մենք տեսանք, վոր սովոր տարիներում թուլ
քայքայված յերեխաներ ելին ծնվում, շատ հա-
ճախ ապրելու անընդունակ, յեղունկներից զուրկ
եայլն. — այդ բանը բացատրվում եր յերկարատե
քաղցից առաջացած՝ ծնողների ծայր աստիճան
քայքայվածությունով։ Այդպիսի թույլ ու հի-
վանդուտ յերեխաներ ել ծնվույ են վորևե հի-
վանդությունից քայքայված ծնողներից։ Յեթե
մոտիկ ազգականները, — որինակ քույր ու յեղ-
բալր—իրար հետ ամուսնանում են, նրանց ժա-
ռանգական պակասությունները, յեթե կարելի

յե այսպես արտահայտվել, փոխանակ ուժից
առողջ արյան հետ լուծվելու, ավելի ևս մեծա-
նում են, և նրանց յերեխաները ծնվում են այ-
լասերման, այսինքն՝ մարդկային ցեղը վատաց-
նող նշաններով:

Վաղ ամուսնանալու ժամանակ իրենք, զուգ
մատադ որդանիզմները դեռ ձևավ չէին, իրենց
զարգացումն ավարտած չեն լինում, ուստի նր-
անցից առողջ և կենսունակ սերունդ սպասել
չի կարելի: Բացի այդ, հղիությունն ու յերե-
խայի ծնունդը յերիտասարդ մոր թույլ որդա-
նիզմի վրա չափազանց ծանր կերպով են անդ-
րադառնում: Որդանիզմի ուժերը դեռ այն կա-
ռուցելու և ամրապնդելու համար պիտի զնան,
իսկ այդ ժամանակ նրա արդանդում առաջ ե-
գալիս փոքրիկ ելակ, վորն իր զարգացման հա-
մար նույնպես ուժեր ե պահանջում: Ի հարկե,
հետեանքն այն ե լինում, վոր տուժում են թե
մայրը և թե յերեխան: Յերեխան ծնվում ե թույլ
և ապրելու սակավունակ: իսկ յեթե վաղաժամ
ամուսնությունները կը կնվում են սիստեմատի-
քաբար, սերնդե սերունդ, ապա այդ բանը իս-
կական այլասերման կարող ե հասցնել: Ծննդա-
բերությունները նույնպես հաճախ մեծ դժվա-
րությունների հետ են կապված և խորը հետքեր

Են թողնում մոր սեռական գործարանների ու
տմբողջ որդանիզմի վրա:

Այս եւ վաղաժամ սեռական հարաբերու-
թյունների վնասը: Սեռական հակումը զսպել չկա-
րողանալը կորստաբեր կերպով եւ անդրտղառում
տղաների ու աղջիկների և գալիք հնարավոր
սերնդի վրա:

Իսկ դրա յելքը վորն եւ ի՞նչ պետք եւ անի
յերիտասարդությունը, վորպեսզի անախորժ այդ
բարդություններից խուսափած լինի: Պատաս-
խանը պարզ եւ և ինքնըստինքյան բղխում երո-
ւոր ասածներից: Մինչև այն ժամանակ, յերբ
որդանիզմը վերջնականապես հասունանա ու ձե-
վավորվի, մինչև այն ժամանակ յերբ սեռական
հարաբերությունները միանգամայն անվնաս դառ-
նան, մինչև այդ ժամանակ անշուշտ անհրաժեշտ
ե սեռական ժուժկալություն:

Գլուխ IV

Սեռական ժուժկալություն

Շատ մարդիկ սուտ համոզմունք ունեն, թե
սեռական ժուժկալությունն որդանիզմի համար
վնասակար եւ վոր նյարդային ու հոգեկան մի
շարք խանգարումներ եւ առաջ բերում: Յերբեմն
պատահում են այնպիսի ծնողներ, վոր պատ-
րաստ են իրենց ձեռքով իրենց յերեխաներին

պոռնկության զիրկը նետել, միայն թե նրանց ազատած լինեն այն վաստից, վորն իբր թե սեռական հարաբերությունների ժուժկալությունն է առաջացնում:

Այս համոզմունքը սխալ է: Ժուժկալությունը վոչ միայն վասակար չե, այս վորոշ հասակում նույնիսկ ոգտակար է: Բայց ժուժկալության հարցում մեծ տարածայնություններ կան: Մի քանի զիտնականներ ու փիլիսոփաններ, մանավանդ կրոնական մտածողները, կողմնակից երին կատարյալ կուսակրոնական ժուժկալության վողջ կյանքի ընթացքում, իհարկե, կատարյա անմտություն ե այդ: Բարեպաշտ մնահավատությունը, վորն ընդունում է, թե սեռական հարաբերությունները պղծություններ են — անիրականալի, մարդու իսկ ընությանը հակասող, սի գաղափար է: Հարցին զիտականորեն մոտենալով, մենք պետք ե կանգ առնենք այն տեսակետի վրա, վորը ժամանակավոր ժուժկալության մասին ե խոսում — մենք հասկանում ենք ժուժկալության մասին մինչև այն ժամանակ, յերբ սեռական հարաբերությունները կատարելապես կարող են թուլատրվել բժշկական տեսակետից:

Իսկ ի՞նչպես ե ազդում ժուժկալությունն որդանիզմի վրա: Այս մասին բժիշկների կարծիքները յերբեմն տարբեր են լինում: Բայց մոտ

քսան տարի սրանից առաջ ուռսական և գերմանական համալսարանների աչքի ընկնող պրոֆեսորների մեջ այդ առթիվ անկետա յէ կատարված յեղել, վոր նպատակ ե ունեցել լուծելու յերկու հարց. 1) տղամարդու համար սեռական ժուժկալությունը վնասակար ե, թէ ոդտակար. 2) յեթե վնասակար ե, վոր հասակից Ստացված պատասխաններից պարզվել եր, վոր բոլոր հեղինակներն առանց քացառության սեռական ժուժկալությունը մինչև 20 տարեկան պատանիների համար անվնաս են համարում, իսկ 20 տարեկանից բարձր հասակի նկատմամբ՝ պատասխանողների ճնշող մեծամասնությունը նույնպես ժուժկալությունն անվնաս ե համարում:

Այսպիսի յեզրակացությունը, վորը հավասար չափով վերաբերում ե նաև յերիտասարդ կանանց, այն բանով առավել նշանակությունի, վոր մեզ համար կարեորը սեռական կյանքից ժուժկալ մնալը չի ամեննեին, այլ մինչև կատարյալ արբունքին հասնելը ժուժկալ մնան ե: Խոսքը սեռական բավականություններից միանգամայն հրաժարվելու մասին չի, այլ չափազանց վաղաժամ սեռական հարաբերությունների շրջանն սկսելուց հրաժարվելու մասին ե:

Վողջախոհությունը (անարատ ապրելը) որդանիզմի համար վոչ մի վնասակար հետևանք

չունի։ Այս բանը պետք է լավ գիտենալ։ Այն մարդիկ, վորոնք իրենց ջղային քայքայումների համար ժուժկալությունն են մեղադրում, դուրս ե զալիս, վոր մեծ մասամբ ժառանգական ջղագարներ են։ Ամենից շատ ջղագարներ պատահում են այն մարդկանց մեջ, վորոնք հեշտությամբ անձնատուր են լինում իրենց զգայական բռնկումներին, բան նրանց մեջ, վորոնք այս տեսակետից կարողանում են իրենց վրա իշխել։

Որինակ, հիշենք մի բան, վոր սպորտով պարապողների մեջ տարածված ե այն համոզմունքը, վոր մարզանքի ժամանակ մըցումից առաջ սեռական ժուժկալությունն անհրաժեշտ է։ Սպորտսմենների կամ ամբողջ ջոկատների աշխատանքների գրանցումները ցույց են տվել, վոր սեռական հարաբերություններից անմիջապես հետո, այսինքն՝ մեկ-յերկու որվա մեջ, հաջողություններն առաջվանից պակաս են լինում։ Բայց պատահում են կասկածոտ մարդիկ, վորոնք սուբ են, թե ընդհանրապես ժուժկալությունն անհնարին ե, թե հակումն այնքան ուժեղ ե, վոր հաղթահաբել այն—անկարելի լի։ Այս հարցը, իհարկե շատ կարևոր է։ Սեռական հակումը մարդու ամենասուժեղ հակումներից մեկն ե. հին իմաստուններից մեկի ասելով՝ «հակումը վաւելի փողերին զսպող կարթից ել սուր ե, ավելի տաք».

ե, քան բոցը. հակումը մարդու մարմինը խրվող նետին ե նման»:

Տղայի սեռական ձգտումի ծայր աստիճան լարվածությունը 18—20 տարեկան հասակումն ե լինում։ Այդ հասակում նրա մեջ ամենից ուժեղ կերպով զարգանում ե դյուրազգայնությունը, յերեակայությունը սաստկանում ե—բունն անհանգիստ ե դառնում և հաճախ ընդհատվում ե յերազախաբություններով ու յերկարատե «կանգնումներով»։ Ցերեկը նմանապես մի փոքր ցնցումը գրգիռ ե առաջացնում։ Ուժեղացած սեռական ձգտումը մի քանի որ կամ մի շաբաթ վորոշ բարձրության վրա յե մնում. հետո սկսում ե նստել, մի առ ժամանակ հանգստանում ե ու յերկու շաբթից հետո նոր թափով ե կրկնվում։ Նման վերահասությունների (գրոհների) տևողությունն ու նրանց տեղի ունենալու ժամանակն սկզբում շատ անկանոն են լինում։ Պատահական պատճառը — ընթերցանությունը, զըռչցը, պատկերը, կնոջ հանդիպելը և այլն, հեշտությամբ զրդում, սեռական բռնկում են առաջացնում, վորը շարունակվում ե մի քանի որ Յեթե պատահին սեռական հակումը բավարարելուց խուսափում ու պատշաճ կենցաղ ե վարում, սեռական ձգտումների վերահասություններն աստիճանաբար սկսում են իրենց ուժը կորցնել,

այնքան կատաղի չեն անցնում ու փոխարինվում
են ավելի տեսական և հանգիստ դադարներով։

Իհարկե, սեռական հակումի թափը յերի-
տուսարդ մարդկանց մեջ տարբեր ե։ Պատահում
ե միջակ, թույլ սեռական հակում — ալդպիսի
մարդկանց՝ սեռական ժուժկալությունը հեշտու-
թյամբ ե հաջողվում։ Ընդհակառակը, պատահում
են մարդիկ, վորոնց սեռական հակումը չափա-
զանց ուժեղ ե լինում, — ժամանակ առ ժամանակ
նրանք ստիպված են լինում սեռական ժուժկա-
լությունից շատ տուժել։ Համակող հեշտասի-
րական մտքերը խանգարում են նրանց աշխա-
տանքը և զրկում գիշերային հանգստից։ Սակայն,
այս դեպքում ևս ժուժկալությունը միանգամայն
հնարավոր ե։ Ցանկացած դեպքում մարդ կա-
րող է վորոշ սահմաններում զսպել իր սեռական
բնազրը և ցանկալի հունի մեջ դնել այն։

Ճիշտ ե, չեթե յերիտասարդ կանանց մասին
խոսենք, սեպհական ցանկություններն ու ձրգ-
տումները ամենափոքը դերն են ունենում։ Մենք
խոսում ենք պունկության մասին, ընդհանրա-
պես և մասնավորապես — այն սոսկալի չերենութ-
ների մասին, վորոնք նկատվում են առանձնա-
պես մեծ քաղաքներում, — չերեխաների պոռնկու-
թյան մասին։ Մի կտոր հաց ճարելու անհրաժեշ-
տությունն աղջիկներին փողոց ե քշում և ստի-

պում ե իրենց մարմինը վաճառքի հանել։ Ի հարկե, յերեխաների պոռնկության դեմ կռվելը միայն հասարակական միջոցներով — անապատանությունը վերացնելու, աշխատանքային զաղութներ հիմնելու և նյութական գրությունն ընդհանուր կերպով բարձրացնելու միջոցով ե հնարավոր։

Սեռական ժուժկալության մասին խոսելիս, հետաքրքրական ե հիշել 1922 թվին Մոսկվայի համալսարաններից մեկի ուսանողների մեջ կատարած անկետան։ Ի միջի այլոց, անկետան փուծում եր պարզել յերիտասարդության մեջ յեղած ժուժկալության պատճառները։ Պարզվել ե, վորկանանց մեջ ժուժկալության գերիշող պատճառը սիրո բացակայությունն ե հանդիսանում։ Ժուժկալության յերկրորդ մումենտը՝ սեռական պահանջ չլինելն ե և, վերջապես, յերրորդը — զանազան բարոյական նկատառություններն են։ Տղամարդկանց մեջ բարոյական այդ նկատառությունը յերկրորդ տեղն են բռնում, իսկ առաջին տեղում, իբրև ժուժկալության հիմնական պատճառ, վեներական հիվանդությունների յերկյուղն ե կանգնած։ Այս վերջինը շատ խորը հիմքեր ունի։ Հաճախ այնպիսի հանգամանքներ են պատահում, վոր պատանու սեռական հակումը բավարարելու համար միակ միջոցը մնում է՝ մեծ մասամբ վե-

ներական հիվանդությունով վարակված պոռնկի հետ կապվելը։ Իզուր չե, վոր սիֆիլիսը հռչակվում ե «անփորձ յերիտասարդության հիվանդություն» անվան տակ։

Բացի բոլոր ասածներից, սեռական ժուժեկալության հարցը սեռական եներգիան «սուբիմացիայի» յենթարկելու (վերացնելու) հնարավորության հետ առանձին կարեոր նշանակություն ե ստանում։ «Սուբիմացիա» կոչվում ե այն, վոր ստորին եներգիան բարձրագույնի յեանցնում, յերբ սեռական եներգիան իրեն համար ուղղակի անելիք չգտնելով, որինակ, ուղեղի գործունելությունն ուժեղացնելու վրա յե գնում։ Մասնավորապես, մարդու ստեղծագործական գործունելությունը սերտ կերպով կապված ե նրա սեռական բնագավառի հետ։ Հենց նույն գիտնական Ֆրեյդը, վորին մենք արդեն դիմել ենք մեր գըքույկում, գտել ե, վոր, սկսած սեռական եներգիայի հասունացման շրջանից, սեռական եներգիայի մի մասը սեռական կյանքի նորմալ պահանջները բավարարելու վրա յե գնում, իսկ մյուս մասը—ավելի բարձ նպատակների՝ որինակ ստեղծագործության վրա։ Հայտնի յե, վոր Պուշկինն իր ընտիր գործերը գրել ե այն շրջանում, յերբ հիվանդության պատճառով սեռական ժուժ-

կալություն եր պահպանում։ Նորմալ չափի սեռական պահանջը, ինարկե, պետք ե բավարարվի, բայց նրա չափազանց շատ ինտենսիվ բավարարումը, նրա վրա չափազանց շատ սեռական ույժ վատնելը մարդուն զրկում ե սեռական այդ եներգիան «սուբլիմացիայի» յենթարկելու այսինքն՝ այն ավելի բարձր խնդիրների համար ոգտագործելու հնարավորությունից։ Մասնավորապես, հեղափոխական ցնցումների ժամանակ հասարակական շարժումը, յերիտասարդությունն ընդգրկելով, ոգտագործում ե որգանիզմի մեջ, կուտակված եներգիայի բոլոր տեսակները, վորոնց թվում և սեռական եներգիան։ Սեռական եներգիան սոցիալականի յե փոխվում։ Այս յերեսույթը տեղի յե ունենում սոցիալական ամեն տեսակի, — կրօնական, քաղաքական և տնտեսական բնույթի, — շարժումների ժամանակ։ Ի հարկե, մեր ապրած այժմյան սոցիալական հեղափոխության շրջանում ել տեղի ունեն այդ փոխարինումն ու ճնշումը։ Մոսկվայի՝ 1922 թ. նույնակետան, վորը հեղափոխության մեջ անմիջական մասնակցություն ունեցող մարդկանց ե ընդգրկել, պարզել ե այդ փոխարինման մոտավոր չափերը։ Պարզվել ե, վոր հեղափոխությունը սեռական զգայության վրա հետեւյալ կերպով ե ազդել.

| Տղամարդկանց մեջ | Կանանց մեջ |
|--|----------------------|
| Անփոփոխ ե թողել . 33,6 ⁰ /₀ | 59,0 ⁰ /₀ |
| Ուժեղացըրել ե . . . 13,4 ⁰ /₀ | 9,5 ⁰ /₀ |
| Թուլացըրել ե . . . 53,0 ⁰ /₀ | 31,5 ⁰ /₀ |
| | |
| | 100 ⁰ /₀ |
| | 100 ⁰ /₀ |

Տղամարդիկ, մասսայական չափով, հեղափոխության մեջ ավելի շատ են մասնակցել քան կանայք. ուստի հեղափոխությունը նրանց սեռական թուլության վրա առանձնապես խիստ կերպով ե ազդել: Ի՞նչպես պետք ե հասկանալ այդ թուլացումը: Սեռական եներգիան սոցիալականի փոխվեց: Սոցիալական եներգիան սեռականին վոչ խեղղեց, վոչ ել ճնշեց. սոցիալականը սեռականին կլանեց, ներս ծծեց. ոգտագործեց և հասարակական պայքարի ու ստեղծագործական հունի մեջ դրեց:

Ահա սեռական եներգիայի սուբլիմացիալի և սուբլիմացիան բարձր կարգի եներգիայի անցնելու հնարավորության այդ հարցը խոշոր նշանակություն ունի թե անձնական և թե հասարակական տեսակետից: Տղաներն ու աղջիկները, վորոնք չգիտեն, թե իրենց սեռական բնագավառում ինչ տակտիկա վարեն, պետք ե այս հարցի մեջ յերկու ճանապարհ տեսնեն. մի կողմից — սեռական կյանքը, վորը նրանց չամրապնդված որդանիղմների վրա անշուշտ քայքայիչ աղդեցու-

թյուն ե ունենալու, իսկ մյուս կողմից-ժուժկալությունը, վորը սեռական եներգիան սուբլիմացիայի յենթարկելու շնորհիվ, նրանց ստեղծագործական գործունեյության խոհուն բավականություն ե խոստանում։ Ուստի կասկած չկա, վոր նրանք յերկրորդ ճանապարհը պետք ե ընտրեն, վորովհետև սեռական կյանքը նրանցից փախչողը չի, նրանք կվերցնեն այդ կյանքից այն բոլորը, ինչ հնարավոր ե, բայց այն ժամանակ, յերբ այդ ուժեղ վխաս չի լինի վոչ իրենց իսկ, վոչ ել իրենց սերունդների համար։

Վորպեսզի սեռական ժուժկալության հարցը վերջնականապես պարզ դարձրած լինենք, պետք ե ելի մի քանի կողմնակի յերեսույթների վրա կանգ առնել, վորոնք կարող են պատահել ժուժկալության ժամանակ։

Մենք արդեն ասացինք, վոր տղամարդու սեռական վերապրումների ամենավաղաժամ ու սուր յերեսույթներից մեկը յերազախարություններն են։ Այնպիսի մոմենտներ են պատահում, վոր արյան հոսանքի հետ որգանիզմի բոլոր անկյունները, վորոնց թվում և նյարդային համակարգության մեջ տարվող՝ տղայի ձվերի մեջ առաջացած սերմի կուտակումն ու հորմոնների արտաթորու-

թյունը գրգռում են նյարդային համակարգությունը և սեռական ձգտում առաջացնում։ Սովորաբար քնի ժամանակ ե պատահում այդ։ Սեռական անդամը գրգռվում, ապա տեղի յե ունենում սերմնահոսություն։ Առանց սեռական ակտ կատարելու՝ նման սերմնահոսությունը կոչվում է յերազախաբություն։ Ըսդ վորում, յերազում բազմապիսի հեշտասիրական պատկերներ—սեռական ակտի յերկույթներ, սիրած աղջկա հետ մերձեցում ու այլ բաներ են տեսնվում։

Յերազախաբությունների տեղի ունենալը սովորաբար սեռական հասունություն տեղի ունենալ ե նշանակում։ Ժուժկալության ժամանակ յերազախաբություններ պատահելն առանձնապես անհանգստություն չպետք ե առաջացնի։ Յեթե տղայի մեջ յերազախաբությունները չափազանց շատ չեն առաջանում, այլ առաջանում են սեռական հասունությանը զուգընթաց, սակայ են կրկնվում (10—30 որվա ընթացքում մի անգամից վոչ ավելի) և հեշտասիրական յերազների հետևանքով միայն զիշերն են տեղի ունենում, այդ բանը կարելի յե ընդունել վորպես նորմային մոտիկ յերկույթ։ Այլ բան ե, յերբ յերազախաբությունները հաճախ են տեղի ունենում, շաբաթը մի քանի անգամ, նույնիսկ ամեն որ կրկնվելով, մանավանդ, յեթե յերազախաբու-

թյունները վաղ են սկսվում, տղաներինը՝ նորմալ սեռական հասունությունից 9—10 տարի առաջ։ Նման հաճախակի յերազախաբությունները հիվանդագին յերեսութ պետք ե համարել արդեն։ Սովորաբար դրանց հետևանքները լինում են՝ ընդհանուր հոգնածության զգայություն, ջարդվածություն, մեջքացավ և վատ տրամադրություն։ Այդպիսի դեպքերում պետք ե դիմել բժշկի։

Յերազախաբության հիվանդագին ընույթն ել ավելի յէ սրվում, յերբ սերմնահոսությունն սկսում ե տեղի ունենալ վոչ թե գիշերը, այլ ցերեկը (ցերեկվա յերազախաբություններ) բոլորովին արթուն ժամանակ։ սեռական գործարանի ամենափոքը մեքենայորեն զրգովելու դեպքում, ըստ վորում, հաճախ նույնիսկ առանց վորեալ հեշտասիրական ցանկությունների յէ տեղի ունենում։ Նման յերազախաբությունները սեռական որգանների հիվանդագին յերեսույթներով են ընթացակցվում, և յեթե նրանք գիշերն են պատահում, այդ դեպքում վոչ թե հեշտասիրական յերեկայությունների ազդեցության տակ են տեղի ունենում, այլ զարհուրելի յերազների ազդեցության տակ։ Յերեկն այդ յերազախաբությունները ջարդված ու ճնշված դրություն են ստեղծում։ Այս յերազախաբություններն ապացուցում են նյարդային համակարգության խիստ քայլայվածու-

թյունը, վորը հատուկ բժշկություն ե պահանջում: Բայց այս բանն այնքան ել հաճախ չի պատահում: Իսկ յերազախաբությունն ընդհանուրապես մի յերեսույթ ե, վորը տղամարդու ժուժկալությանն ե ընթացակցում և յեթե այն չի ընդունում այժմ իսկ նկարագրած հիվանդագին ձեվերը, նրանց առաջանալու մասին առանձնապես անհանգստանալ պետք չե: Նորմալ սեռական կյանքի անցնելու հետ յերազախաբություններն ինքնըստինքյան կչքանան:

Յերազախաբություններ կանանց հետ ել են պատահում: Ընդ վորում, տեղի յե ունենում նույնը, ինչ վոր զուգավորման ժամանակ ե պատահում: արգանդի մկանները կարճանում են ու սեռական ապպարատի գեղձերից լորձունք ե հոսում: Դեպի կանացի յերազախաբությունները տանողը նույնպես սիրային յերազատեսություններն են: Սովորաբար յերազախաբությունները պատահում են այն կանանց, վորոնք զրկված են իրենց համար սովորություն դարձած սեռական կյանքից, որինակ, յերիտասարդ այլիների հետ: Նման յերազախաբությունները, յեթե շատ հաճախ չեն կրկնվում, բնական յերեսույթ պետք ե համարել: Իսկ յեթե դրանք հաճախակի յեն դառնում, յեթե սկսում են ցերեկները տեղի ունենալ և իրենց յետերից անբավարության ու ջարդվա-

ծության զգայություն թողնել, պետք է բժշկել, վորովհետև դրանք արդեն հիվանդության հետեւանք են:

Շատ հաճախ արթնացած սեռական-հակումներն իրենց համար բնական յելք չգտնելով, պատանիներին «մաստուրբացիալի» կամ այլ կերպ ասած՝ «ձեռնաշարժության» են հասցնում։ Պատանիները ձեռքերով զրգում են սեռական գործարանները, իրենց հասցնում են զրգուման ծայրաստիճանին և սեռական բավականության նման մի բան ստանում։ Յերբեմն նկատվում է, այսպես ասած, «մտավոր ձեռնաշարժություն», վորի հետևանքն այն ե լինում, վոր հեշտասիրական պատկերի մտավոր պատկերացումն արդեն հեշտասիրական զգացողության լարվածություն և նույնիսկ կանգնում ե առաջացնում։

Յերբեմն ձեռնաշարժությունը նկատվում է նույնիսկ ծծկեր յերեխաների մեջ, յերեխան իր սեռական գործարաններին դիպչելիս, սեռական բավականություն ե զգում։ Ավելի ուշ հասակում ձեռնաշարժությունն արդեն լրջմիտ ընութ ե կրում։ Յերեխան, պատահամամբ ձեռքն առնելով իր սեռական անդամը (որինակ, միզելու ժամանակ) և միաժամանակ ստանալով հաճելի զգա-

յություն, հետագայում արդեն դիտավորյալ կերպով ե դիպչում նրան՝ վորպեսզի բավականություն ստանա, տրորում ե այն, և այլն։ Զեռնաշարժության պատճառը հաճախ ընկերներն են լինում։ Դպրոցներում, պանսիոններում բանտերում, յերեխաների կողմից մեկը մյուսին զայթակղեցնելու հետևանքով յերբեմն ձեռնաշարժության ամբողջ համաճարակներ են նկատվում։

Զեռնաշարժության պատճառ կարող են ծառայել նաև սեռական գործարանների տեղական բնութի հիվանդությունները, որինակ քոր առաջցնող աղջիկների բծերը—առանձին ճիճունները (փորի կլոր ճիճու), վորոնք հետանցքի շրջանից սեռական գործարանների վրա յեն սողում ու սաստիկ քոր առաջցնում։

Սակայն, այս բոլորը դեպի ձեռնաշարժությունը դրդող պատճառներ են միայն։ Իսկ ինը՝ ձեռնաշարժությունն ավելի խոր արմատներ ունի։ Զեռնաշարժության հիմնական պատճառը—մարդու բնության մեջ յեղած անհամապատահանությունն ե, այն ե՝ սեռական զգայության վաղաժամ զարգացումը։ Այս զգայությունը, ինչպես մենք տեսանք, շատ վաղ ե զարգանում։ Տարեցտարի զգայությունն ավելի ու ավելի յեսաստկանում և լարվածության գազաթնակետին հասնում ե այն ժամանակ, յերբ սեռական հա-

սունությունը դեռ չի ավարտվել, յերբ դեռ տղամարդկանց մեջ կատարելապես հասունացած՝ սերմնային մարմիններ ունեցող սերմնային հեղուկ չի պատրաստվում։ Սեռական ցանկություն զգալով այնպիսի հասակում, յերբ զուգավորման մասին խոսք անգամ լինել չի կարող, տղաներդ ինքնաբավարարման, այսինքն ձեռնաշարժության են դիմում։

Այստեղ մեծ նշանակություն ունի նաև ժառանգական ազդեցությունը։ Զղագարների յերեխաները նույնպես հաճախ թույլ նյարդերով են ծնվում և իրենց ցանկությունները լավ չեն կարողանում զսպել։

Սեռական հասունությունը տեղի ունենալուց հետո, սեռական զգայությունը շատ լարված բնույթ կարող ե կրել։ Ապրել ժուժկալ, հաղթել իրեն, իշխել իր սեռական ձգտումներին ամեն անգամ հեշտ չի լինում։ Բայց միաժամանակ, այդպիսի դեպքերում ամեն անգամ հնարավոր չի լինում գտնել ուրիշ սեռի մի եյակ, վորի հետ կարելի լիներ սեռական հարաբերություններ սկսել։ Ուստի ժուժկալ ապրող մարդը հանկարծակի բորբոքվող սեռական բռնկումի ազդեցությանը հաճախ ե յենթարկվում ու ձեռնաշարժությամբ ե իրեն հագուրդ տալիս։

Ձեռնաշարժությունը չափազանց հաճախ պա-

տահող յերևութիւն է։ Յենթադրում են վոր, «հարյուր սարդուց ինսունինը ձեռնաշարժությամբ են զբաղվել, իսկ հարյուրյերորդը ծածկում ե այն»։ Զեռնաշարժությունն անկասկած կապ ունի ժուժկալության հետ։ Զե՞ վոր ուր յերիտասարդ, ամրակազմ շատ տղամարդիկ են հավաքված լինում, վորոնք սեռական բնագդին հագուրդ տալու հնարավորությունից վորեն պատճառով զրկված են, այնտեղ ձեռնաշարժությունը զարգանում է իր բոլոր պես-պես ձևերով։ Նավագնացության ժամանակ նավաստիների մեջ, զորանոցներում ու արշավանքի ժամանակ — զինվորների մեջ, բանտում նստածների ու այլոց մեջ բոնի ժուժկալությունը — այս բոլորը դեպի ձեռնաշարժությունն են տանում։ Մի որինակ ևս հետաքրքրական է։ Հայրենիքից Ամերիկա մեծ թվով աշխատանքի գնացող չինացիք իրենց հետ կանայք չեն վերցնում և միաժամանան, կրոնական նկատառություններով, չեն մերձենում այն ժողովուրդներին, վորոնց հետ ստիպված են ապրել։ Այդ չինացիների մեջ ձեռնաշարժությունը լայն կերպով ե տարածված։ Զեռնաշարժությունը պակաս տարածված չի նաև բոլոր յերկիրների վանքերում։

Բոլոր ասածները վերաբերում են նաև կասանց յերիտասարդ։ առողջ կանայք, վորոնք սե-

ուական նորմալ հարաբերություններ են. ունեցել
ու վորես պատճառով զըկվել են դրանցից (որի-
նակ յերիտասարդացիները) ձեռնաշարժություն-
ներ շատ հաճախ են կատարում. Մահմեդական
յերկիրներում ձեռնաշարժությունը շատ է տա-
րածված՝ ժուժկալ մնալու դատապարաված հա-
րեմներում փակված կանանց մեջ.

Ներկայումս ի՞նչպես են նայում ձեռնաշար-
ժության վրա. Սկզբում ինքնաբավարարման վր-
ա նայում ելին իբրև սի մեծ ախտի վրա, վոր-
վերջիվերջո քայլայում ե այդ սովորությանն անձ-
նատուր յեղած մարդու որգանիզմը և խորտա-
կում այն. Բազմապիսի գրքերում ամեն կերպ վա-
խեցնում ելին ձեռնաշարժությամբ պարապողին,
խոստանալով նրան և՛ թոքախտ, և՛ խելազարու-
թյուն, և՛ տանջալից, սոսկալի մահ. Այժմ այդ
հարցի վրա բոլորովին այլ կերպ են նայում. Յե-
թե հասակավոր, կատարելապես հասունացած
մարդու մասին խոսենք, ձեռնաշարժությունն որ-
դանիզմի վրա քիչ բանով ե վատ ազդում քան
սովորական սեռական հարաբերությունները. Ճիշտ-
ե, որդանիզմի վրա ազդող՝ ձեռնաշարժության
ակտի ու զուգավորման միջև վորոշ տարբերու-
թյուն կա. Սեռական ակտի ժամանակ գրգիռն
ինքնաբերաբար ե զարգանում, առաջ գալով ու-

ըիշ սեռի ելակից, վորը սեռական հակումի պատճառ ե դառնում։ Իսկ ինչ վերաբերում ե ձեռնաշարժությանը, այստեղ գրգիռը զլխավորապես յերևակայության խաղով և մտքովս անցնող հեշտասիրական պատկերներով ե առաջ գալիս, վորոնք արհեստական կերպով են ստեղծվում։ Ի հարկե, յեթե սեռական ակտի ժամանակ նյարդային եներգիան չափազանց շատ ե ծախսվում, ապա ուրեմն ձեռնաշարժության ժամանակ այդ եներգիան ել ավելի յե ծախսվում, ուստի մեծ ե լինում նաև հետո տեղի ունեցող հոգնածությունը, և սանձարձակությունների դեպքում շուտով տեղի յեն ունենում հիվանդագին յերևույթներ։

Բայց այս բանը միանգամայն հասունացած մարդու համար ե ասվում։ Իսկ ինչ վերաբերում ե յերիտասարդներին, վորոնց նկատմամբ վսասակար են և սեռական հարաբերությունները, այստեղ՝ ձեռնաշարժությանը կոիվ պետք ե հայտարարվի։ Ինարկե, չպետք ե հուսահատվել, յեթե բորբոքված սեռական հակումը ձեռնաշարժության ակտի մեջ ե թեթևություն գտել—չպետք ե իրեն պարտված, խորտակված, իր առողջությունը վերջնականապես քայքայված մարդ համարել։ Զեռնաշարժության մեջ սրա առանձին դեպքերն այնքան վտանգավոր չեն, ինչպես այն, վոր ձեռնաշարժությունը հեշտությամբ սանձար-

ձակությունների յե անցնում. վորովհետեւ, յեթե
տվյալ դեպքում տղային ու աղջկանը սեռական
նորմալ հարաբերություններից կարող ե կասեց-
նել ուրիշ սեռի ելակ ճարելու անհարինությու-
նը, վորի հետ կարելի լիսեր կապ հաստատել,
ապա ձեռնաշարժության նկատմամբ այդքանը
չկա. սեռական բավականություն ստանալու հա-
մար միշտ ել հնարավորություն կա: Զեռնաշար-
ժությամբ պարապող մարդու համար իր հակու-
մը բավարարելը վոչ մի դժվարություն չունի,
և նա այդ շատ հաճախ կարող ե անել: Հենց
այստեղ ել ձեռնաշարժության գլխավոր վտանգն
ե թագնված: Զեռնաշարժությունը մանավանդ
վտանգավոր ե այն ժամանակ, յեթե սեռական
հասունությանը դեռ չհասած ու թույլ որդա-
նիզմի տեր պառանին ե նրան անձնատուր լի-
նում, վորը դեռ չի կարողացել ինչպես պետք ե
ձևավորվել: Ինչպես սեռական հարաբերություն-
ների դեպքում, (վորոնք նման պատանու համար
նույնպես չափազանց վտանգավոր են), այնպես
ել առավել ևս ձեռնաշարժության դեպքում, տե-
ղի յե ունենում եներգիալի սեծ վատնում, պա-
հեստի ուժերի քայլայում, վորոնք մատադ որ-
դանիզմի համար այնքան անհրաժեշտ են:

Իսկ ինչպես պետք ե կովել ձեռնաշարժու-
թյան դեմ: Առաջին հերթին ձեռնաշարժության

բժշկությունը նախազգուշական բնույթ պետք է կը ի. Այն բոլորը, ինչ վոր գրգռում ու սաստկացնում ե սեռական հակումը, այդ բոլորը զարտուղի ճանապարհով ձեռնաշարժության զարգացում ե սպառնում. Ուստի պետք է խուսափել այն բոլորից. ինչ վոր սաստկացնում չ սեռական հակումը¹⁾, Բոլոր այս միջոցները խիստ կերպով հեշտացնում են սեռական ժուժկալության հնարավորությունը:

ՎԵՐՋԱԲԱՆ

Գործնական խորհուրդներ

Այստեղ առաջին տեղը բռնում են որգանիզմը պնդացնելն ու կանոնավոր կենցաղը: Որդանիզմի ֆիզիկական զարգացումն ու ամրապնդումը շատ մեծ դեր են խաղում: Ցանկալի յեմարմինը շփել սառը ջրով (բայց լավ կինի այդ ժամանակ չդիպչել սեռական գործարաններին), հով վաննաներ ընդունել և այլն: Տաք վաննաները թե մեծերի ու թե յերեխաների մեջ

¹⁾ Ձեռնաշարժության մասին մանրամասն տես «Ձեռնաշարժություն, նրա պատճառները, հետևանքներն ու նախզգուշական միջոցները» բրոյալի մեջ «Կոսմոս»:

սեռական գրգիռն ուժեղացնում են, ուստի ցանկալի լե խուսափել դրանցից:

Ոգտակար են ֆիզիկական վարժությունները: Նստակյաց կյանքն արյան մակրնթացություն ե առաջացնում դեպի իրանի ստորին մասի գործարանները և այդպիսով շատացնում սեռական գրգիռը. Ընդհակառակը, շարժուն խաղերը, սպորտը, մանգալը—հակազդում են դեպի սեռական գործարանները կնացող և արյան ուժեղացած հոսանքին և արյունը հավասար չափով բաժանում ամբողջ մարմնի մեջ, վորի հետևանքով թուլանում է սեռական զգայությունը: Բացի այդ, ֆիզիկական պարապմունքներն ընդհանրապես զվարթացնում են մեր հոգեբանությունը սեռական բնագավառից ուրիշ կողմ դարձնում մեր մտքերը:

Պակաս նշանակություն չունի նաև զգեստի տեսակը: Պետք ե խուսափել բրդե սպիտակեղենից, վորը կարող ե սեռական գործարանները գրգռել: Զգեստը պետք ե լինի լայն ու ազատ, վորպեսզի վարտիքի նեղ յեզրերը շսեղմեն սեռական մասերը: Վարտիքը պահելու համար պետք ե վարտիքակալ (подтяжка) կրել և վոչթե վարտիքի վրա գոտի կապել, վորովհետեւ վերջինս արյան մակրնթացություն ե առաջացնում դեպի վորի ստորին մասը: Այն մասին, թե նը-

ման մակընթացությունը սաստկացնում ե սեռական հակումը, արդեն ասված ե։ Հենց այս պատճառով ել կանանց հարկավոր ե խուսափել ամուր կապերից։

Ցանկալի յեւ վոր անկողինը կոշտ ու հով լինի։ Գիշերային «կանգնումների» մեծ մասը տեղի յեւ ունենում այն պատճառով, վոր տղան չափազանց փափուկ ու տաք մահճակալի վրա յեւ պառկում։ Պետք ե սովորել այնպիսի դրության մեջ քնելու, վորպեսզի ձեռքերը վերմակից դուրս լինեն – վորպեսզի գիշերն անզիտակցաբար չգըրգըռեն սեռական գործարանները։ Պետք ե սովորություն դարձնել անկողնի մեջ պառկելու վոչ առաջ, քան իսկապես քունն ե գալիս, իսկ արթնանալու ժամանակ անմիջապես վեր կենալ, առանց թափալելու անկողնի մեջ։ Մահճակալի վրա յերկուսով չպետք ե քնել, նույնիսկ համասեռ անձի հետ։

Այն դեպքում, յերբ սեռական զգացողությունը չափազանց սաստկացել ե, նրա դեմ կովելու միջոցներից մեկը կերակրի սահմանափակումն ե։ Անբավարար սնունդը, ինչպես սովի տարիներն են ապացուցել այդ, ճնշում ե սեռական հակումը։ Առանձնապես պետք ե խուսափել գիշերն ստամոքսը դժվարամարս կերակուրներով լցնելուց, վորովհետև քունն անհանգիստ ե դառնում,

իսկ տեղի ունեցող մարսողությունը սեռական բնագավառում արյան մակընթացություն ու գրգիռ ե առաջացնում։ Գիշերները նույնպես չպետք ե շատ խմել, վորովհետև միզապարկը լցվելը նմանապես կարող ե սեռական գրգիռ առաջացնել։ Գրգոիչ նյութերի ու քաղցրավենիքի դործածությունը ցանկալի չի. ձեռնաշարժության կամ սաստկացած սեռական հակումի դեմ կովելու ժամանակ վոգելից խմիչքների գործածությունն արգելվում է։

Այս բոլորը ֆիզիկական ինքնադաստիարակմանն են վերաբերում։ Բայց մեծ ուշադրությունը բարոյական դաստիարակության վրա պետք ե դարձնել։ Պետք ե հեռու մնալ անհարմար տպավորություններից, պետք ե աշխատել խուսափել այն ամենից, ինչ վոր ավելորդ տեղը գրգում ե սեռական զգայությունը։ Թեթևամիտ գրքերը, թատրոնական նույնպիսի ներկայացումներն ու վորոշատկերները՝ սեռական զգայությունն են գրգում։ Հասկանալի չե, վոր դժվար ե հաղթահարել իր սեռական զգայությունն ու այն դնել շրջանակի մեջ, յերբ մարդ հաճախ գրգում ե իրեն բազմապիսի երոտիկ տեսարաններով, գրքերով, կամ զրույցներով։

Հարկավոր ե, մատաղ հասակի հորդաբուխ եներգիան վոչ թե սեռական կյանքի յերևութ-

ների վրա կենտրոնանա, այլ ուրիշ ուղղություն ստանա: Եներգիան, ինչպես մենք՝ գիտենք, կարող է սեկ ձևից մյուսի փոխարկվել: Սեռական եներգիան նույնպես կարող է ուրիշ տեսակների փոխարկվել թե, մասնավորապես, ստեղծագործական եներգիայի, և թե ընդհակառակը, աշխատանքի չոգտագործած պահանջը կարող է սեռական կիրքը սաստկացնել: Ծուլությունն ու պարապությունը յերիտասարդներին շատ հաճախ են խանգարում հաղթահարելիքնց սեռական ձգտումները, իսկ ընդհակառակը, աշխատանքը—խելացի ու հետաքրքիր աշխատանքը, մտքերն ուրիշ կողմ ուղղելով և կուտակված եներգիային առողջ յելք տալով, սեռական ավելորդ կրքոտության դեմ կովելու լավագույն միջոցներից մեկն է հանդիսանում:


Հետեւապես, յերիտասարդներին վաղաժամ սեռական հարաբերությունների վնասից պաշտպանող սեռական ժուժկալությունը միանգամայն հնարավոր է: Կարիք չկա խոսելու այն ժամանակվա ժուժկալության մասին, յերբ որգանիզմն արդեն բոլորովին հասունացել է և առողջ սերունդ արտադրելու ընդունակություն է ձեռք բերել: Սեռական բնագոյը մարդու հիմնական բնագոյներից մեկն է, և ամբողջ կյանքի ընթացքում ժուժկուլ մնալու զաղափարն, իհարկե, անմտություն

Եւ Բայց մինչև որդանիզմի կատարյալ ձեավորման շրջանին հասնելը ժուժկալությունը վոչ միայն հնարավոր ե, այլև՝ ոգտակար եւ ֆամանակավոր ժուժկալությունը նույնիսկ ամենառակակալում ել ե ոգտակար, վորովհետեւ կուտակված սեռական լարվածությունը հոգեսոր ստեղծագործության ոգտին ե զնում։ Մտավորապես հոչակված և ուժեղ կերպով զարգացած սեռական պահանջների տեր մի ամբողջ շարք մարդիկ իրենց գրությունների մեջ խռոտովանում են, վոր ժուժկալության ազդեցության տակ նրանց մեջ տեղի յեւ ունենում մտավոր ընդունակությունների առանձին խորացում ու կենտրոնացում, վորոնք, անշուշտ, նրանց մտավոր աշխատունակությունն են բարձրացնում։

Արդ, բոլոր վերոգրյալից յեզրակացությունը պարզ ե. մարդկային թանկագին եներգիան քայլայող՝ անկարգ ու չափազանց վաղաժամ սեռական հարաբերությունների տեղ պետք ե յերեվան գա ապագա մարդու առողջությունը, — մարմնական և հոգեկան առողջությունը յերաշավորող, — սեռական խելացի ժուժկալությունը։

ՑԱՆԿ

| | <i>bę</i> |
|---|-----------|
| Ներածություն | 3 |
| Գլուխ I Սեռական հասունություն | 10 |
| » II Սեռական հակումն | 30 |
| Գլուխ III Վաղաժամ սեռական կյանքը | 48 |
| » IV Սեռական ժուժկալություն | 57 |
| Վերջաբան. Գործնական խորհուրդներ | 78 |



ԳԱԱ Հիմնարար Գիտ. Գրադ.



FL0038920

(194)

ԳԻՆՆ Ե 35 ԿՈՊ.

A — I
4160

